

東
華
續
錄

東華續錄

咸豐五十四

臣王先謙敬編

臣陶澐宣恭校

十一月庚申朔諭軍機大臣等前據景瀆奏據勘分界委員稟報俄夷在闊吞屯地方住船蓋房以防備英吉利佛蘭西爲名並欲自格爾畢齊河起至興安嶺陽面各河止指爲伊國分界又欲將黑龍江松花江左岸以及海口分給該國守護等語本日據奕格等奏卽係景瀆所奏之事而聲敘較詳如所稱興安嶺山陽流水之源皆係中國屬地山陰流水之處始是該國地面可見興安嶺陽面本非該國分界卽據該夷聲稱亦知景奇里西里木的牛滿各河等處爲大國地界惟因陸路往來不便故欲分給伊國情形顯然可見仍著遵照前旨奕格景瀆德勒克多爾濟三人會銜公

具文移知照該國告以此次勘定分界止可將先前未設界牌之地商酌勘定若將已定界地混行分撥我等因此身獲重罪於爾國亦屬無益所備公文卽由庫倫交俄羅斯固畢爾納托爾轉交薩納特衙門可也○以貴州丹江被賊攻陷巡撫蔣蔚遠等下部議處○辛酉諭軍機大臣等邵燦奏州縣報歉分數過多擬親往各屬抽查一摺當此京倉支絀之時但能多運一石新漕卽多備京倉一石之用豈容各州縣遷延觀望致誤正供該漕督所奏係爲慎重倉儲剔除積弊起見惟所請親往各屬抽查報歉分數之處勢有難行無論三府一州之地非該漕督一人旬日之間所能徧歷且恐該地方官轉得置身事外著怡良吉爾杭阿責成署藩司楊能格糧道書齡嚴督各屬將本年新漕趕緊徵兌不得援上年起運之數視爲成例藉口觀望如各州縣有捏報歉分移改斗

則侵漁肥己等弊卽由司道據實揭參司道徇隱卽著怡良等嚴參懲辦邵燦既駐蘇州督辦新漕起運是其專責著嚴催兌運封雇船隻俾得及早放洋備各屬中有開兌遲延及米色不純船數不齊等弊卽著該漕督嚴行參辦毋庸親赴各屬以免紛更至該漕督奏稱蘇松常太各屬本年秋收豐稔所有海運米數自應比較上年大有增加方爲覈實怡良等身膺疆寄諒不至見好屬員意圖省事亦不得以軍務倥傯遂置地方公事於不顧也將此由五百里各諭令知之○甲子諭內閣怡良吉爾杭阿奏遵查已革道員被參各款嚴審定擬一摺已革江蘇蘇松太道吳健彰被參各款經怡良等遵旨嚴鞫雖訊無通夷養賊侵吞關稅各實據惟以見任職官與本管地方夷行商夥往來酬酢不知引嫌至賊匪攻陷上海該革員旣不能堵禦復避居夷行捏報公出情節較重

吳健彰著從重發往新疆效力贖罪○胡林翼奏逆首韋俊自擊敗後復撥石達開悍賊數千共二萬餘人自蒲圻分途來撲其由東路楓樹嶺雷家橋沿七里沖而入者則橫排羊樓洞北田隴一股由千嶂嶺踰山西來約四五千人列陣於營北又一股約二三千人由港口驛循中港而至列陣於葉家山冀以牽掣我西面諸營羅澤南駐營山上傳令如賊偏營勿遽出戰東路一股忽分三路一路登小石山撲我左營一路踞麥園以防中營之橫截一路循山脊直逼右營道員等續實督勇擊之與賊交鋒殺斃悍賊五六百人羅澤南分三路繞攻麥園知縣蔣益澧分其左營爲二一登小石山一繞山北鈔之鼓勇而前賊眾大潰溺斃於園外池塘者三百餘人各勇又截殺五六百人大股由田隴狂奔散布山谷右營從七里沖之右脊而上中營副中營循中脊左營循左脊三

路圍剿奮登其巔其在山谷者千餘人皆刃之逸出者又追殺十餘里營北山巔之賊見大股已敗猶思踞險自固訓導劉蓉率副右營分路仰攻殺斃悍賊數十人唐訓方由張鼓嶺橫截之葉家山之賊普承堯暗擊之賊俱駭奔劉騰鴻鈔其西署蒲圻縣孫守信包其左四路截殺屍橫徧野計共斃賊三千餘人生擒二百三十餘名據供韋逆受石逆密指奮力來攻上襲岳州石逆卽由通城攻平江共犯湖南等語十三日臣由嘉魚取道至羊樓洞與羅澤南會商進取適湖南平江紳士在通城防剿勇丁二千人與首逆石達開血戰數日平營被踏退守平江上塔市臣以該逆故作上竄湖南之勢者不過牽掣我師使不得遽攻下游擣其巢穴若我軍久駐羊樓洞遷延時日適足老師若復轉按崇通則兵進賊遁兵退賊出往返皆疲莫如併力急攻直下蒲圻攻其所必救羅

澤南與臣均卽拔營前進並約楊載福水師進紮新灘口脾洲相機直下臣仍一面飛咨湖南嚴防不虞至羅澤南營中出力員弁勇丁可否由臣查明彙案請獎伏候 聖裁又奏湖北賊勢自秋冬以來大股專注於南岸卽下游金陵皖江之賊亦專以分股上竄爲計而總不離沿江兩岸求所以制賊之死命者惟以精練水師爲先務之要臣考古今平賊之略未有不據上游形勢者武漢則金陵之上游也荆襄關南北之大局而武漢又荆襄之咽喉通籌全勢必以武漢得手設立重鎮屹然不可再搖乃會合江西內湖一軍以水師之全力制賊下游紅單巨艦亦得併力以扼賊吭惟外江水師船多礮少取給湖南礮局暫可供用而模範較小不如粵東所購洋礮之美上年侍郎曾國藩請調礮位因道梗未經運竣應請飭下兩廣督臣葉名琛購運五百斤以上千斤以下洋

礮六百尊派兵護交湖南舟運湖北以冬杪爲期轉交待郎曾國藩勻配以資異日東征利用 上諭胡林翼奏羊樓洞官軍剿賊大勝一摺羅澤南分剿崇陽餘匪乘勝進駐羊樓洞十月初三日逆首韋俊石達開合悍賊二萬餘人自蒲圻分途來撲羅澤南派令李續賓等分投迎擊各路兵勇無不爭先用命奮力截殺共斃賊二千餘人賊眾大敗官兵追殺十餘里復生擒百餘名見在林翼已統軍與羅澤南會合著卽併力進攻盡殲醜類所有殺賊出力員弁兵勇著胡林翼彙案請獎候朕施恩○諭軍機大臣等胡林翼奏請飭購運洋礮等語據稱見在外江水師船多礮少取給湖南礮局暫可供用而模範較小不如粵東所購之洋礮上年曾經曾國藩奏請因道梗未經運竣請飭購運以資利用著葉名琛柏貴趕卽購運五百斤以上千斤以下洋礮六百尊派委兵弁

妥爲護送由湖南舟運解赴湖北胡林翼軍營俾資應用無誤要
需將此由六百里諭令知之○以 孝靜康慈皇后梓宮暫安

幕東陵賞恭理喪儀並恭送之王公大臣文武官員各一級○乙
丑諭內閣英桂奏河南省缺額馬匹業已就近買齊請免赴口購
買等語該省缺額馬匹自應照例委員出口買補惟據奏稱見辦
防堵差遣乏人且業經買齊勢難變價自係實在情形所有河南
省缺額馬匹既已就近買補著免其變價另買俟下屆再行照例
委員赴口購買○諭奕格等奏廢員呈請捐輸奏明請旨等語已
革御史文光已革員外郎舒鼎均係案情較重發往黑龍江充當
苦差遇赦不赦之員前據該將軍等以文光督辦團練出力奏請
恩施已降旨准其俟咸豐七年奏明請旨該廢員等如果當差出
力原可據情入奏何得以報效微貲遽爲乞恩所奏著不准行○

雲貴總督恆春奏黔省苗匪猖獗請飭催兵餉並自請議處得旨
催調川兵已有旨諭黃宗漢矣飭撥餉銀著戶部再行嚴催恆春
著交部照例議處○丙寅諭內閣前因河南省正額錢糧之外有
河工加價一款重爲民累降旨加恩豁免茲據英桂奏河北三府
自解散聯莊除暴安良剴切曉諭後地方一律肅清閭閻皆已樂
業交納錢糧亦日有起色可見小民具有天良如果各州縣勤恤
民隱原不難革薄從忠轉移風氣見在抗糧首要各犯業經按律
懲治著該撫督飭所屬曉諭愚民所有從前被脅之人今旣悔罪
安分概行從寬免究如尙有警不畏法陽奉陰違者亦不得不嚴
行查辦其或不肖官吏浮收勒派罔恤民艱並著該撫嚴參懲處
以副朕察吏安民之至意○諭英桂奏教職不能約束士子釀成
巨案請旨分別懲辦一摺河南杞縣教諭左鵬程署獲嘉縣教諭

段承宣原武縣訓導王驥衡於該管士子聯莊結會聚眾抗糧不能約束禁止以致釀成抗官巨案實非尋常疏忽可比左鵬程段承宣均著革職拏問王驥衡著先行撤任一併交英桂嚴訊確情分別究辦○諭軍機大臣等前因都司銜義勇頭目施紹恆差勇目彭繼輝張洪發來京投遞僧格林沁稟呈當將該勇目等交步軍統領衙門審訊本日據該衙門訊明供詞具奏勇目彭繼輝張洪發係僧格林沁派同詹啓綸等前赴湖北探聽賊情行至楚境因查驗護牌係功牌改寫經營弁拏獲看押旋即查明釋放其同行之陳洪亮等四人業經胡林翼營員弁拏獲正法此項義勇旣已投誠自應妥爲安置胡林翼因該勇目等護牌查驗不符疑爲奸細尙屬有因惟據供稱西凌阿綿洵因義勇被賊裹去多人便不給口糧出隊時亦不爲接應迫賊匪下壓馬隊開弓向義勇放

箭似此情形是統兵大臣不能善爲撫馭恐將驅之從賊該義勇等桀驁性成本難駕馭全在調度得宜尙可收搏噬之用著官文按照所稟各情確切查明並令帶勇員弁務當示以恩威勿令有所藉口別滋事端原稟著鈔給閱看將此由五百里諭令知之○英桂奏李兆受前經王庭蘭帶領兵勇集團痛剿平毀賊巢辦理正在得手復經安徽已革道員何桂珍諭令招撫致鄉團不敢追剿該匪逃竄英山昨准安徽撫臣福濟咨稱已飭六安英山霍邱三縣會剿臣亦飛咨王庭蘭實力進擊殲厥渠魁以除後患張落刑等圍攻亳州經鹿邑縣團勇追殺斃匪三名東北一股經新鄉縣知縣祝壇帶勇截殺該匪仍回亳州臣當飭余炳燾等派撥兵勇速往堵截並飭附近之太康睢州柘城淮南西華等州縣一體嚴防但該匪勢甚囂張恐兵力尙形單薄已欽遵前奉諭旨飭令

史榮椿督帶直隸官兵二千名由豫赴皖並飛咨武隆額迅往亳州以資統率惟前江南提臣和春咨稱已派壽春鎮總兵鄭魁士

帶兵一千五百名馳赴蒙城助剿嗣因武隆額由東帶兵赴皖剿辦復據咨照所派前項官兵不必前往等因查武隆額所帶東省官兵僅二百名見在豫省及徐州之兵雖已到齊而亳州以南尚無重兵堵禦深恐該匪被剿窮蹙豕突堪虞應請飭下江南提臣和春仍將前項官兵交鄭魁士管帶赴亳會剿以期迅速藏事

上諭捻首李兆受張落刑等在英山亳州等處肆擾前經和春派總兵鄭魁士帶兵一千五百名赴蒙城助剿嗣因武隆額由山東帶兵赴皖復咨明英桂將前項官兵停止前往惟該提督所帶東省官兵僅止二百名豫省及徐州之兵均在西北兩路亳州以南亦須重兵堵禦以爲四面兜剿之計著和春等仍飭鄭魁士管帶

前項官兵赴亳州一帶歸武隆額調遣以期厚集兵力迅速戡事
著英桂卽傳諭史榮椿俟鄭魁士帶兵到亳後史榮椿卽回本任
並將所帶直隸官兵二千名撤回歸伍至所稱捻首李兆受經王
庭蘭兵勇平毀賊巢辦理正在得手復經已革道員何桂珍諭令
招撫以致鄉團不敢追剿該匪居心反覆罪不容誅必須認真剿
辦何以何桂珍率行招撫致該逆逃竄英山著英桂查明該革員
如有辦理不善之處卽行參奏毋稍徇隱將此由五百里各諭令
知之○諭許乃普奏請飭山東在籍大員會同紳士辦理賑務一
摺據稱歷來辦賑皆由委員不能深悉地方情形致受蒙蔽若以
本地紳民辦賑可杜影射之弊今山東辦賑請責成該省在籍侍
郎車克慎等會同公正紳士妥辦等語見在山東省被災之區甚
廣地方官苟稍有天良斷不至侵蝕中飽惟佐雜胥吏從中染指

實難保其必無著崇恩嚴飭道府州縣等詳細履勘覈實散放不
准假手吏胥致滋弊竇儻或有名無實致賑者朱必貧貧者未必
賑卽著該撫嚴參懲辦至山東紳士除毛鴻賓應赴湖北外其餘
各員亦未必皆能辦事著崇恩查明車克慎等何人能實心任事
不避勞怨卽奏請責成該員等會同地方官辦理賑務原摺著鈔
給閱看將此諭令知之○丁卯以楊式穀爲內閣學士由詹事選○戊
辰和春等奏報攻剿三河舒城巢縣賊匪情形得旨進攻並未得
手殊深憤悶若不趕緊痛剿何日方有轉機○己巳諭內閣八公
主著封爲壽禧公主九公主著封爲壽莊公主○諭壽禧和碩公
主見已指副都統熙拉布之子瑞林爲和碩額駙所有擬派偕婚
大臣擇吉成禮之處著內務府大臣照例辦理○諭壽莊和碩公
主見已指一等誠勇公裕恆之子德徽爲和碩額駙所有擬派偕

端大臣擇吉成禮之處著內務府大臣照例辦理○辛未胡林翼奏臣由羊樓洞拔營下攻蒲圻與羅澤南軍相爲聯絡軍威益壯十月十八日羅澤南李續賓帶同署蒲圻縣孫守信審視形勢韋賊收集殘喘乞救於逆渠石達開分四千人令偽總制李賊率之來會兼集崇通土匪不下三萬人踞於蒲圻守具日增於鳳凰山之麓五嶽截之巔築大營二座豐樂門外築大營一座各營之間設立石卡以扼入城之要河之北岸築木城四座以通咸甯江夏之賊搭造浮橋以濟之冀阻我師之下攻也臣等由閒道出公安販進駐鐵山臨城西北隅賊壘遽失其險鐵山高二里綿亘數里與豐樂門之雞冠山相峙其東南爲鳳凰山西北爲河邊寶塔一帶諸山形勢雄險臣等以五營駐山脊俯瞰城中以四營駐山之西北以三營駐山之東南分路進攻因我軍野戰則易於取勝攻

堅則受傷必多計誘賊眾來襲庶可一鼓蕩平二十日遣捷勇數百偪壘搦戰賊出則反旗而走賊退又往如是者一日賊不敢遠追二十一日辰刻羅澤南率中營劉蓉率副右營從山右田隴而下攻南門外賊壘李續賓率右營從雞冠山脊下攻豐樂門賊壘知縣蔣益澧率左營知州唐訓方率訓字營從田隴之右林木中繞出攻五嶽觀賊壘守備周得魁等駐鳳凰山防賊之伏遊擊普承堯紳士劉騰鴻從山左下駐寶塔諸山截河北之賊兼以攻城張寅恭等攻城之西北孫守信督練分布要隘臣軍方出北岸賊眾紛紛渡河來救普承堯等率諸勇截之賊不敢渡復督諸勇以擡棺仰攻守城之賊或緣梯而上或肉薄而登爲賊滾木亂石所阻終莫能上城中之賊爲我所截亦無出救賊壘者李續賓由雞冠山直薄豐樂門賊壘奮勇而上各營亦極力分攻皆堅不可奪

賊出柵來追諸勇乘賊之出反旗衝殺賊又入柵自固無敢出壘迎敵者豐樂門南門二壘之間賊立重卡卡內有小坡賊之悍者悉萃之我軍因轉而攻卡賊以死力拒守諸勇奮力血戰旋退旋進爲地勢所阻終莫能入羅澤南等會商令諸勇暫駐山坡約會各營誓破此壘劉蓉之弟劉藩親取柴草往燒賊壘賊以槍礮轟擊劉藩身先士卒不稍退避中礮陣亡諸勇憤之荷芻負薪奮迅而進縱火焚燒烈燄突起賊眾乃亂乘機奪柵以入蔣益澧殺入東嶽觀之壘唐訓方殺入河邊之壘劉蓉率勇四面攻擊分途截殺豐樂門與南門壘中之賊恃險如故羅澤南李續賓乘勢破入

臣遣張寅恭從城西北殺入連用大礮轟擊賊莫能當張寅恭先射賊目策馬躍於壘中普承忠等繼之奪柵以入賊壘殺賊三千餘名其逃潰之賊爲諸勇殺者亦以千計內斃賊目十餘名其餘

涉河逃溺死者無算卡營俱破所未下者僅一城耳臣於傍晚派

李續賓帶勇百餘人據雞冠山頂俯瞰賊營蔣益澧帶勇從鳳凰山下防賊南竄崇陽之路普承堯劉騰鴻帶勇至城西門外山上張寅恭周有元帶勇至寶塔山上循環放槍吹角賊皆驚亂各自奔逃我軍直逼城下緣梯而上諸賊盡從北門而出黑夜自相踐踏戕殺者又以千計諸勇相繼入城搜殺五六百名二十二日黎明渡河將北岸賊營四座盡行焚燒兩日一夜約殺斃賊眾五六千人生擒三百七十餘名奪獲馬四百餘匹是役也以全力攻堅將士同心效命得以踏破賊營九座克復城池在營出力將領員弁應懇恩分別獎勵陣亡各員從優議卹又奏浙江甯紹台道羅澤南候補道安慶府知府李續賓每戰必先忠勇冠時閱該員等家書羅澤南之父羅嘉旦年八十歲李續賓之父李登勝年七

十歲助以忠勇報國不得眷戀庭闈詞意正大可風是該員等之忠義奮發實皆稟承家訓可否仰懇 天恩賞給羅澤南祖父母父母二品封典李續賓賞加鹽運使銜給其父母三品封典 上諭內閣此次我軍進剿踏破賊營九座克復蒲圻布政使銜浙江甯紹台道羅澤南候補道安徽安慶府知府李續賓自帶兵出江以來勇敢直前屢著戰功允宜特沛恩施以昭獎勵羅澤南著於此次覃恩內賞給伊祖父母父母二品封典李續賓著賞加鹽運使銜亦於此次覃恩內賞給伊父母三品封典○諭赫特賀奏色呼本諾們罕聞 大行皇太后升遐齊集喇嘛僧眾唎經設醮並欲特遣使臣堪布赴京一摺色呼本諾們罕朗結曲不自聞 大行皇太后升遐虔心出於至誠齊集喇嘛僧眾唎經並欲特遣使臣堪布前來請安實堪嘉尚惟念本年年班使臣堪布就道方殷

若再遣使赴京驛路往來未免艱辛過甚著赫特賀曉諭朗結曲
丕毋庸特遣使臣堪布入都以示朕曲加矜恤之至意○諭軍機
大臣等赫特賀奏廓夷情詞愈肆狂悖並聞增派夷兵意圖撲我
營盤經噶布倫督兵進剿於九月二十四日接仗殺斃番賊數百
名立將帕嘉嶺賊巢平毀見擬進攻聶拉木等語廓爾喀狡詐桀
驁既不將所占地方退出復疊次違斷不遵情同悖逆此次聲罪
致討實有不得不然之勢惟藏地寫遠山川險阻進兵不易終須
剿撫兼施本日已諭赫特賀如該夷畏威退地毋得深入貪功致
勞兵力至前令川省豫備屯營各兵三千名既據該將軍等奏稱
兵力不敷餉需甚鉅且藏地寒冷征剿非時難以徵調原係實在
情形但帕嘉嶺既經接仗乘勝進師此時兵難中止又恐力弱難
支著黃宗漢迅速籌撥銀五六萬兩解往後藏交該大臣作爲犒

賞之需俾藏屬番土各兵鼓舞奮興咸知用命或可卽仗本地兵力以禦外寇無煩內地徵調並著樂斌等於川省文武官弁中擇其熟悉番務明白曉事者管解前往卽畱與赫特賀差委再九月二十七日因赫特賀奏番夷肆意要求諭令樂斌黃宗漢豫籌布置並因樂斌曾至西藏當悉夷情令其悉心籌議廣加採訪應如何辦理之法迄今日久未據該將軍總督將籌議情形入奏十月十一日復因湖北漢川失守四川續撥赴荆兵勇究有若干樂斌萬福二員何人可往諭令黃宗漢籌度速奏迄今一月亦未據奏報此皆軍務緊要事件何以樂斌黃宗漢置若罔聞並不卽行覆奏著卽懷遵諭旨趕緊籌辦毋再遷延自干咎戾將此由五百里諭令知之○諭前因廓番妄事要求四川官兵又因道遠天寒一時不能派往後藏諭令赫特賀就見有兵力扼要防堵本日據該

大臣奏稱廓番逾限稟覆抗斷不遵情詞愈加狂悖防堵聶拉木一帶之噶布倫聞廓兵陸續增添並有乘間撲營之信官兵各懷義憤分路進攻前後夾擊殲擒多名立將帕嘉嶺賊營平毀見擬進攻聶拉木賊巢等語廓番占踞濟隴等五處地方妄事要求經該大臣屢次檄諭仍復抗斷不遵此次因我兵義憤奮勇進剿誠屬不得已之舉惟兵力單弱雖獲勝仗未可深恃惟有激勵該處番土各兵實力堵禦本日諭令樂斌黃宗漢撥銀數萬兩解赴後藏並諭揀派熟悉藏務之員隨同前往並畱藏差委此項銀兩解到後該大臣卽擇打仗出力弁兵優加賞賚以資鼓勵藏屬可用之兵數尙不少若能鼓舞眾心皆知用命卽可仗本地兵力以禦外寇無煩內地徵調更爲妥善至帕嘉嶺賊營爲我兵平毀見在當已進兵聶拉木如果得手不可深入致墮該夷奸計儻能連次

獲勝該夷受此懲創自知悔罪退出占踞地方仍當設法懷柔以
省兵力若仍恃眾抗拒我兵惟有扼要嚴防相機進剿惟不可因
有勝仗稍存大意將此諭令知之○河南巡撫英桂奏據臬司余
炳燾等稟張落刑窺踞雒河後分遣匪黨蘇添幅王賈三襲得等
糾眾四出由蒙城竄擾姬橋以南十字河一帶又接副將朱連泰
等函稟該匪圍攻亳州急請救應余炳燾等以匪勢猖獗救援毫
州不如直搗雒河老巢其圍自解當令祝壇會同鹿邑柘城等縣
團勇在鹿毫交界地方堵截派瑚圖凌額任愷將會亭所駐之兵
勇一千二百名移紮鄆城集以爲亳州後應又飭馮景等帶領兵
勇千名駐紮永城宿州交界之黃口集防守余炳燾等統帶兵勇
於十月二十五日由永城馬村橋移營至麻種地方離雒河四十
餘里附近村莊多係賊黨當即分投剿捕並函約徐州鎮道合攻

適侍衛容照所帶馬隊過宿亦卽商同協剿永城各鄉團勇聞風而至者幾及萬人願效前驅聲威大振二十八日余炳燾同成齡督兵勇分路馳抵雉河集張落刑率死黨三千餘人開礮拒敵兵勇爭先渡河施放火箭火罐賊巢立時燒燬我軍槍礮齊施斃賊無算生擒百餘人落水死者尤眾餘匪潰逃張落刑乘間免脫立將該匪墳墓刨毀附近賊巢及該逆土城全行踏平救出被擄婦女多名一而咨照徐州鎮道分兵進援亳州仍令瑚圖浚額祝增任愷帶領兵勇會同剿捕旋探亳州城圍已解擒匪東竄請咨催武隆額速赴亳州督辦等情查張落刑等盤踞雉河負隅自固此次余炳燾等奮勇進擊毀其巢穴大挫賊鋒惟首惡未擒夥匪尙眾亟宜追剿以除後患昨准武隆額來咨已於十一月初一日自曹州起程史榮椿亦已帶兵南渡由豫赴皖蠶茲醜類諒不難指

日蕩平報聞○追予江西陣亡參將童添雲附祀塔齊布祠○追
贈湖北陣亡湖南文童劉藩知縣予祭葬世職○壬申諭內閣英
秀等奏土爾扈特親王策林喇布丹等聞 大行皇太后大事隨
卽齊集該遊牧喇嘛僧眾唸經並欲於塔爾巴哈台城中寺院唸
經等情呈請代奏請旨一摺土爾扈特親王策林喇布丹扎薩克
頭等台吉喇忒那巴咱爾自聞 大行皇太后大事虔心出於至
誠齊集該遊牧喇嘛僧眾唸經並欲於塔爾巴哈台城中寺院唸
經又呈捐銀兩馬匹作爲貢獻之用朕心實深嘉悅惟該親王等
旣於該遊牧唸經四十九日若令其捐輸銀兩馬匹復唸經文轉
非所以示體恤著英秀等傳諭策林喇布丹等毋庸呈獻銀兩馬
匹復於塔爾巴哈台城中寺院唸經以示朕矜恤蒙古臣僕之至
意○癸酉冬至祀 天於 圓丘○甲戌諭軍機大臣等陸元烺

奏賊竄義甯總兵打仗陣亡並請飭部改撥滇黔各省兵餉及浙
省應撥江西餉需請催解接濟各等語義甯爲湖北崇通後路羅
澤南之師自崇陽通城蒲圻一路進仗甫經克復三城而該州境
內復被賊匪闖入不但旁竄內犯蔓延可虞兼恐牽掣羅澤南之
後該道見與胡林翼合軍勢難返顧陸元烺已檄調贛南道耆齡
署參將遮克敦布帶勇千數百名馳往援剿如能將義甯賊匪掃
數殲除卽著飭令耆齡等前往崇通一帶隨剿隨進與羅澤南互
爲聲援不可株守本境其袁臨各處賊匪並著該署撫與曾國藩
商調兵勇以期次第殲除至滇黔甘肅等省待餉孔殷江西積欠
至三百二十餘萬兩之多雖經費支絀係屬實情而四川等省近
來指撥協濟各路軍餉爲數已屬不少豈能復爲江西代撥該署
撫仍當於該省新漕地丁等項內酌量覈計陸續分解滇黔等省

稍清積欠不得專顧本省致誤要需將此由六百里諭令知之○
諭前因會國藩奏請飭浙江補解餉銀會諭知陸元烺浙省無款
可籌著於江西消項內每月撥銀三萬兩就近接濟數月茲據陸
元烺奏稱會國藩水陸餉糈去冬至今均係江西支應兼以地方
被賊處所尙多分投防剿需餉益繁計截至年底尙需銀六十餘
萬兩司道庫見僅存銀十三四萬不敷一月之用浙省應解江西
軍餉每月二萬外尙有鹽課及酌提養廉等項共銀十二萬五千
兩皆係戶部指撥解濟楚軍之款請飭浙省迅解江西等語見在
浙省庫儲固亦支絀惟目前江西籌餉尤屬不易著何桂清設法
措置將部撥鹽課等項陸續如數籌撥趕解江西以濟急需將此
由五百里諭令知之○官文奏漢陽賊隊撲營連日拒戰獲勝請
將築營不堅之知縣李光榮等懲處得旨李光榮等均著摘去頂

帶此次雖小有獲勝然情形迥異恐攻拔未易也○予江西陣亡總兵官劉開泰等祭葬世職○乙亥貸福建金門鎮兵丁穀價銀○丙子諭軍機大臣等御史倫惠奏蠲役舞弊有礙錢法請飭查禁一摺據稱地方官於民間交納錢糧不收大錢故近京百里外大錢不能行使延慶州等處差役以買草豆煤炭爲名按戶勒派且勒令折價交納至當五當十大錢保安州行使已久惟州署人役每持票向鋪戶勒取制錢運至張家口發賣以致民間疑議等語大錢與制錢相輔而行地方官於民間交納錢糧自應恪遵前旨按成搭收至胥役藉端科派並勒索制錢販賣漁利尤屬大干功令著桂良嚴飭所屬各州縣於民間交納錢糧時務遵前定章程將當五當十大錢按成搭收儻有陽奉陰違不肯收受者卽著嚴行參辦其延慶州保安州懷來縣差役舞弊並著桂良按照該

御史所參各情密速拏訪盡法懲治各該州縣等如查有縱容包庇情事並著嚴參懲處毋稍姑息原摺著鈔給閱看將此諭令知之○予湖南陣亡知縣李原濟等祭葬世職○丁丑諭軍機大臣等托明阿等奏瓜州逆匪圖竄截剿獲勝一摺該逆窮極思竄亦在意中若不設法破其巢穴則下游焦山上游土橋各處幾於防不勝防況此時四面兜圍旣已嚴密即使賊匿不出亦不難於設法進攻鎮江府城早聞可以攻克吉爾杭阿大營又力占勝勢何以遲遲未見捷音總因南北兩岸不能同時並舉南岸得勝則恐瓜州之賊下援北岸得手又恐鎮江之賊上救以致兩相牽掣日久無功著托明阿吉爾杭阿等乘此賊勢窘促之際趕緊籌攻總以搗其巢穴爲要金陵逆首半載未出近復屢遣騎馬賊隊出撲其奸詭之謀總在援應鎮江瓜州如能先將二處克復則金陵自

成孤立之勢萬勿以長圍爲可恃任賊從容自竄歸併金陵復蹈揚州故轍也將此由六百里各諭令知之○諭托明阿奏餉需缺乏請飭催兩淮鹽課以資接濟等語揚州軍營兵餉久缺所有淮北新綱續徵課銀著怡良飭屬解赴江北糧臺毋許延宕其淮南就場徵稅及竈課折價銀兩並著儘徵儘解藉資支放至協貼淮南一款向係河工備用之需前因廬州待餉孔殷除准畱南河備用銀十萬兩外餘俱撥解廬州軍營托明阿所請解赴該營之處著毋庸議將此由六百里諭令知之○戊寅諭內閣英桂奏截畱漕糧請折色放賑一摺前因豫省被水災黎亟宜撫恤諭令英桂將應徵未完漕米五萬餘石截畱該省於應行給賑地方認真散放茲據奏稱體察民情咸願散給賑銀自應全放折色以順輿情著照所請所有河南省截畱滎陽等十二州縣未完四年漕糧五

萬三百餘石除濟源縣已解本色四千六百餘石畱備展賑外餘著按照每石一兩二錢五折銀報解該撫卽飭屬覈實散給蘭儀等六縣被水災民先於前發帑銀內動給俾窮黎早沾實惠仍著該撫飭令各該州縣趕緊徵收以備賑需無任遲延○英桂奏據臬司余炳燾等稟剿洗雉河逆巢後帶兵由麻種赴亳州一面檄飭祝塏帶領鄉團並咨行瑚圖凌額任愷統率鄴城所駐之兵勇均赴亳州三面兜擊又恐永城空虛當飭都司伊興阿帶兵二百餘名會同該署知縣劉鴻昌調集團練豫備守城十一月初一日余炳燾等行抵鄴城集偵知該匪由亳州沿河東竄時祝塏督團剿匪獲勝直入亳州城內正擬相機進攻乃該匪連夜竄過麻種徐州兵勇抵禦失利乘閒逸入永城界內焚搶初二日夜間在永城西南馬村橋一帶放火圍攻縣城余炳燾等卽由鄴城至丈

入集從該匪後路鈔入參將成齡等作爲頭隊該臬司與王建泰張維翰在後路應援該匪約有萬人分路迎撲我軍亦分路猛擊將擒首大旗轟倒逆匪登時潰敗追剿十餘里斃匪七百餘名生擒十五名餘匪向南奔逸城圍立解並准武隆額來咨以張落刑等擁眾數萬逼近永城該縣官兵尙形單薄萬一回竄恐難防禦請飭王鳳祥唐佐清各帶山東官兵五百名並加派精兵二千名前往調遣各等情查張落刑等兇惡已極自當厚集兵力一鼓殲除惟王鳳祥等所帶山東官兵臣見派令查辦聯莊會匪未便抽撥而豫省又別無可調之兵臣已詳飭余炳熾就見有兵勇嚴密堵剿不得稍存大意並咨照武隆額俟鄭魁士到毫察看情形如兵力已敷卽欽遵諭旨飭令史榮椿回任將所帶直隸官兵撤回歸伍儻賊匪仍肆鴟張卽由武隆額奏懇 天恩將此項官兵暫

緩裁撤以期迅速蕲事至李兆受見住英山城內餘黨三四百人
聚城外據英山縣知縣稟報李兆受已經何桂珍招撫仍爲勇
目臣查王庭蘭一軍前次平毀賊巢若何桂珍能乘勢夾攻何難
制其死命乃該匪既以投誠爲自衛之謀何桂珍復以招撫爲羈
縻之計辦理不善早在聖明洞鑒之中該匪見雖受撫誠如

聖諭居心反覆必須認真勦辦相應請旨飭下安徽撫臣福濟賁

成何桂珍務將李兆受設法擒獲以贖前愆臣仍飛咨王庭蘭督

率兵勇在豫皖交界扼要嚴防並將固始之傅家集一帶擒匪搜

捕以除內患上諭軍機大臣等亳州擒匪回攻永城經余炳燾

等督率員弁團勇連挫賊鋒城圍已解惟各匪勢尙猖獗必須會

集兵勇四面兜拏以淨根株武隆額見駐永亳交界雖徐宿一帶

尙有容照等遁爲聲援而兵力尙單前諭和春等仍飭鄭魁士管

帶官兵一千五百名前赴亳州歸武隆額調遣著卽迅飭啟程助
剿史榮椿所帶直隸官兵前有旨諭令撤回歸伍見在擒匪鳴張
如武隆額兵勇不敷著暫畱史榮椿帶兵協剿俟鄭魁士到後再
令該總兵撤兵歸伍又據英桂奏擒首李兆受被王庭蘭擊敗辦
理正在得手忽聞已革道員何桂珍將該匪招撫見聚英山城外
餘黨尙數百人此等狼子野心反覆無常何堪一誤再誤著和春
福濟嚴飭何桂珍務將李兆受擒拏正法如再遷延貽誤卽將何
桂珍嚴行參辦至湖北遣散義勇有軍功向憲章張玉桂等私行
招集千餘人聲稱赴安徽投效由河南前往潁州見經英桂飭令
各州縣嚴密捕拏並著和春福濟查明該義勇等如有沿途搶劫
不法情事必當嚴拏懲辦若實係投誠堪資驅策卽著妥爲駕馭
毋使激而從逆致有他虞將此由六百里各諭令知之○諭蔣蔚

遠等奏匪徒藉糧滋鬧委員勦辦一摺貴州銅仁府屬舉人徐廷杰等糾集外來教匪假稱上糧戕官踞城實屬目無法紀該撫見已派員帶練勇馳往該處查辦務卽迅飭拏獲匪犯從嚴懲辦並解散脅從毋令蔓延該匪等是否傳習邪教有無勾結粵匪在內如因鬧糧滋事該府葛景萊平日辦理錢漕有無不善之處著蔣霽遠等將此事起釁根由確切查明據實具奏其文武各官下落並著迅卽查明至界連銅仁各處務飭一體嚴防斷不可令該匪等遠颺勾結再滋事端將此由六百里諭令知之○己卯諭軍機大臣等官文奏前軍攻剿賊匪連獲大勝請畱羅澤南助剿一摺羅澤南自入楚境連克三城逆首石達開率其敗竄餘眾逃回江西其在武漢之賊當必聞風窘蹙此次官文前隊已將漢陽出巢賊匪痛加殲剿軍情正在喫緊據該大臣奏稱江西欲令羅澤南

同軍勦賊自係因匪蹤闖入義甯境內急籌堵禦起見惟該道一軍甚爲得力若據撤回江西則楚軍攻勦武漢恐難得手羅澤南仍應由蒲圻進發俾官文各軍得以專注漢陽早圖克復著官文胡林翼傳諭該道俟江漢肅清再行回兵援應江西官文亦當乘此機會速飭王國才都興阿訥欽趕緊攻克漢陽府城爲進擄武昌之舉至石達開著名兇悍旣已竄擾義甯州界腹地亦應嚴防耆齡遮克敦布所帶額勇一千七百餘名此時當已馳抵義甯周玉衡阿隆阿進勦吉安前已奏報獲勝如賊勢已衰即可移緩就急以援義甯其曾國藩軍營及陸元烺省垣各兵有可再行抽調之處並著妥商辦理不得辜恃羅澤南一軍僕僕往返以致顧此失彼受賊牽掣將此由六百里加緊諭知官文曾國藩胡林翼陸元烺並傳諭羅澤南知之○諭前因赫特賀奏官兵將帕嘉嶺番

營平毀擬進攻聶拉木賊巢當經諭知該大臣如果進兵得手不可深入致墮該夷奸計本日據奏稱攻剿續獲勝仗克復聶拉木賊巢並圍攻宗喀情形剿辦甚合機宜此股夷匪盤踞聶拉木地方該噶布倫等旬日之間痛加剿洗將所失營寨次第克復足見弁兵等俱能踊躍用命該大臣當遵前次諭旨俟川省解到銀兩後卽擇其打仗出力者優加賞賚以資鼓勵見在我兵將宗喀外城攻破分兵三路擇要駐紮以防陽布應援之兵布置亦尙嚴密惟夷情詭譎仍當相機進攻不可因疊次獲勝稍涉大意儻該夷將占踞地方盡行退出卽當示以懷柔毋須窮兵深入另片奏移營後藏等語定結地方爲札什倫布緊要門戶既有廓夷窺伺自應嚴加防範毋令乘閒突入該大臣見擬移紮後藏居中調度卽著妥爲布置挑選得力之兵與前派戴琿等管帶番土兵丁聯絡

聲勢體察情形相機辦理以免疏虞將此諭令知之○官文奏鹽道常恩等在蔡店遇賊失利瀘勇致有潰挫旋即合軍擊退賊眾請予免議得旨既已查明或敗屬有因或功足抵過均著免其置議○刑部尙書德興卒予祭葬諡文恭○調麟魁爲刑部尙書以瑞麟爲禮部尙書

由西安將軍遷

○庚辰諭軍機大臣等昨據官文奏江西因匪蹤闖入義甯欲令羅澤南回軍剿賊已諭知官文等傳諭該道毋庸撤回江西並諭令曾國藩陸元烺酌量調兵援剿義甯矣崇陽通城係江西湖北往來要路向爲盜賊淵藪羅澤南帶兵不過數千見須由蒲圻進發與胡林翼會攻武漢而義甯州賊勢又熾可見崇通後路尙未肅清恐我兵不免受其牽掣因思江西升用知府周汝筠所帶南康縣練勇六千名上年經陳啟邁派往龍南一帶並廣東韶州剿匪見在廣東業已肅清江西南路情形

較緩此項練勇著該署撫查明卽令全數調赴崇通等處仍交周汝筠統帶剿賊以爲羅澤南一軍後路至周汝筠未到以前江西有無可調之兵著曾國藩陸元烺酌量先行撥往助剿俟義甯克復後卽遵前旨將耆齡等所帶兵勇一併飭赴湖北既可固江西之藩籬並可絕武漢賊黨之援應於大勢當有裨益將此由六百里加緊各諭令知之○調肅順爲戶部左侍郎兼管三庫事轉文清爲禮部左侍郎以寶鋆爲禮部右侍郎由內閣學士遷○辛巳向榮奏蕪湖居江皖之中實爲南北關鍵自克復縣城後餘逆負固江濱嘯聚南北兩岸欲與我爭此要衝茲據總兵吳全美稟稱探聞江北之賊日來日眾紅單各船因無風不能起碇惟日令划船快艇往來堵擊沿江遇有賊出隄邊卽派水勇登岸鈔截並將各紅船用纜牽綴排對轟打無如賊踞高岸船碇仰擊不能盡準本月初

一日南北賊划飛駛對渡經水勇分剿擊沈賊划二隻復有賊划由北岸駛出守備郭定猷登時奔獲初二日北岸又有賊划欲行偷渡郭定猷飛駕划船關剿復將賊划撈沈訊據生擒賊供有楊逆令北岸趕緊接應送信蕪賊死守要衝之語見在江關岸寬賊於南岸沙灘掘穴安礮與弋磯分泊紅船對擊我船兩面受敵且北岸尙無陸軍水師獨力難支懇請調兵會剿各等語臣思該逆南北分踞已成犄角之勢必須設法妥籌方足以資堵剿江口有關門洲一區可以相機扼紮木簕將戰船悉圍在內設立木城築以土石安礮對攻石壘遇有偷渡賊划放船駛出關截斷賊接濟最爲周妥臣已密飭鄧紹良吳全美等迅速辦理惟南岸陸軍不過萬人紮營二十餘座內圍逆壘外剿賊援晝夜苦戰無兵可分北岸竟無一軍賊益滋蔓臣聞廬州克復和春有移師巢縣之說

亟盼其追剿東下即可聯絡聲援應請飭下和春由廬分調得力官兵馳往裕溪口扼紮會剿一經得手則上自安慶以至九江湖北下由梁山太平直搗金陵老巢均不難次第肅清上諭軍機大臣等蕪湖爲南北咽喉關繫吳楚全局經官軍收復後該逆復以死力來爭吳全美所帶紅軍師船止能埽蕩江心鄧紹良陸路官兵止能顧及南岸江北無兵會剿卽難扼守蕪湖於大局實有關係見據向榮奏已咨商和春調兵赴雍家鎮夾擊日久未據咨覆此係緊要機宜豈容視同隔膜著和春福濟卽於廬州得勝兵內選派得力將弁管帶陸兵數千名剋日馳赴裕溪口一帶與蕪湖南岸官兵聯絡夾擊見在廬州兵勇爲數倍於金陵卽分出數千兵力亦不爲單薄毋得藉詞推諉致南軍或有疏虞所有派往兵數及何員統帶卽著迅速具奏並著向榮於撥到後妥爲布置

以資攻剿至廬州克復後巢縣廬江自應次第收復舒城一路有
秦定三督剿該提督等卽應進圖安慶不得坐擁重兵虛糜糧餉
將此由六百里加緊各諭令知之○于浙江死事縣丞嚴錦堂祭
葬世職○壬午諭軍機大臣等武隆額奏剿匪獲勝請飭調官兵
一摺前因永亳一帶捻匪猖獗恐武隆額兵力單薄諭令和春福
濟仍飭鄭魁士帶兵赴亳並諭武隆額暫畱史榮椿管帶之兵協
同剿捕茲據該提督奏稱初九日在蔴種接仗獲勝見在捻匪竄
往鄆陽會亭之閒其雉河集老巢仍有賊踞武隆額駐紮永亳交
界策應南北兩路賊數不下三萬兵勇僅有五千眾寡懸殊難資
得力著英桂卽將前在衛輝剿辦土匪所調山東兵一千名史榮
椿所帶直隸兵一千名調往倘剿至容照興慶所帶各兵本歸武
隆額調遣著該提督相機調度一面催調鄭魁士迅速啟程以資

剿辦將此由五百里各諭令知之○予安徽陣亡遊擊巴哈布祭葬世職○癸未諭內閣和春福濟奏擒匪竄入英山請將被戕各員議卹等語擒匪李兆受竄踞英山詭稱投誠已革道員何桂

密約羅田等處團練會捕謀洩被戕英山縣知縣蘇秀槐署桐城縣事候補縣丞任春和代理太湖縣從九品婁業仕把總高長發勇目賈奎龍同時被害經委員劉兆彭調集羅田英山各勇會合進攻當將英山克復匪首李兆受膽敢戕官踞城實屬罪大惡極著和春等查明該匪首是否殲斃毋任竄逸並督飭兵勇務將餘匪搜捕淨盡以絕根株○諭軍機大臣等御史蕭浚蘭奏江西南北被擾請擇要嚴防一摺據稱義甯毗連永新以毛竹山爲扼要安福毗連袁臨水通臨江陸通袁州北近義甯以安福之楓田迤北沿河南岸爲扼要在籍侍郎黃贊湯所帶兵勇及曾國藩營練

勇四千名皆駐紮固江鎮僅顧吉安一面若賊匪滋擾袁臨句結義甯不但省垣震動兼恐蔓延臨存城兵弁無多樟樹鎮亦關緊要請飭江西巡撫統籌全局等語見在江西賊勢分竄可虞自應扼要防守未可專顧一隅著曾國藩陸元烺體察情形將黃贊湯所帶兵勇並各路派出兵勇應如何分布要隘勿令竄匪四出滋擾蹂躪完善之區至曾國藩水陸各軍日久未聞接仗雖鄱湖以內一律肅清而九江終未克復該侍郎豈不知餉糈艱難日甚一日何堪頓兵不戰坐耗軍需耶著卽激勵將弁迅籌破賊之策早克九江以孤賊勢毋再遷延貽誤原摺著鈔給閱看將此由六百里各諭令知之○諭和春等奏請飭江蘇各關按月分撥皖餉等語據稱各省協撥皖餉久未解到月需餉銀萬分支絀自應就近撥給以濟急需著怡良卽飭江海關按月撥銀三萬兩許聖淮

關按月各撥銀一萬兩解往和春等軍營應用此項撥款爲數無多卽趕緊籌備毋任遲誤江蘇旣撥關稅協濟安徽軍營所有前命怡良籌解之款卽行停止將此由五百里諭令知之○予安徽陣亡已革道員何桂珍等祭葬世職○乙酉諭軍機大臣等石景芬奏通籌皖南全局仍請帶兵協剿一摺前因石景芬所帶兵勇已陸續裁汰是以允何桂清所請令其專任地方今據該道奏稱本任應辦公事布置已有頭緒蕪湖賊壘未清自請籌防協剿皖南地方旣歸該道專轄地方軍務均屬責無旁貸原毋庸過爲區別著照所請准其與江長貴相度機宜協同鄧紹良等沿江剿賊以期肅清賊壘仍將徽甯各屬防務認真籌辦不得顧此失彼至所請飭撥釣鉤船六隻入槳船十隻著怡良吉爾杭阿何桂清照數分撥飭赴蕪采沿江一帶交該道調用雇船經費卽由該道籌

款給發又據石景芬奏浙江儘先都司夏寶慶儘先守備王夢彪奮勇敢戰並著何桂清飭令該二員帶同得力隊目迅赴皖南交該道差委毋任遲誤將此由六百里諭知怡良吉爾杭阿何桂清並傳諭石景芬知之○官文奏接據王國才稟統帶礮船陸軍出新灘口探知金口有賊船一百餘號卽督同營官鮑超等分往圍剿鮑超等從中路直衝賊隊李濟清由左衝突王明山由右圍攻一齊殺入各船遠施大礮近拋火彈焚燒賊船數十隻該逆大敗奔逃奪獲大小礮船五十餘號燒燬賊船數十隻轟斃賊匪無數又被兵勇追殺二百餘名王國才因恐復有上竄之賊踞我要地當卽移營大軍山前將水師礮船泊於金口之左互爲犄角又調李保邦帶勇一千五百名紮於蔡家嶺以防蔡店後路並據都興岡咨報探聞沙口地方有賊千餘名修屋築牆欲圖久踞該副都

統會同已革總兵訥欽馳至沙口隔河遙見賊船五六十隻泊於江邊小河北岸搭有木板房四座正在築牆見馬隊衝到放槍抵禦官兵當卽下馬對擊並乘勢覓渡搶過對岸將板房焚盡賊船解纜不及俱被擊沈等語臣查漢陽逆賊先奔蔡店次竄沙口金口俱經官兵擊敗其膽已落見綿洵所帶馬隊業抵蔡店候催到川南之兵卽當酌飭策應諸軍臣接胡林翼來函該署撫與署提臣楊載福軍同抵金口羅澤南軍日內亦可趕到並派偏師取道嘉魚下擊約俟彼軍到洪山紮定後知會臣約期分派精兵駐於漢口之下將水師分作兩支以一支截斷下游以一支扼守上游再以陸軍分道步步偪攻賊必內潰武漢俱可克復所有在金口沙口打仗出力員弁兵勇容俟查明彙請獎敘報聞○丙戌賞已革正藍旗漢軍都統勝保藍翎侍衛爲伊犁領隊大臣○追予陣

亡湖北遊擊李信入祀忠義孝弟祠○丁亥諭內閣前因楊以增奏請賠堵豐工舊口門一摺當交軍機大臣會同該部議奏茲據文慶等奏稱南河豐工漫口以下被水災區四年以來盡成澤國見在上游東河蘭陽漫口河流旁溢豐工以下田疇可期涸復災民次第歸來羣思及時播種若不卽爲堵築來年大雨時行兩岸灘水仍由口門下注必致淹浸民田自應早籌堵合以順輿情著照所議所有豐工舊口門著楊以增卽飭已革臬司查文經督催查辦責令該河員分段認工剋日興辦不得因賠堵之工任令草率偷減其護埽長河等項應需工料並著及早豫籌儻各該員等以乾口工程希圖易於集事而於埽工挑工毫無準備恐來年春漲下注或蘭陽堵築後大溜歸槽必致險工迭出則此次賠堵工程仍屬有名無實朕惟該河督是問至此次需用物料若干各員

認辦若干著卽查造估冊先行報部查覈並將初堵復堵動用錢糧款目趕緊造冊報部仍由該河督嚴催賠款毋任遲延儻前項賠款未完卽此次合龍亦不得遽爲乞恩以杜牽混而重帑項○協辦大學士兩廣總督葉名琛奏謝授協辦大學士恩得旨卿責重兼圻宣績閩外與襄贊綸扉何異朕雖未與卿謀面第往返批答不啻千里論心○戊子官文胡林翼楊載福奏本月初八等日臣等派各營自蒲圻向咸甯進發不意武昌賊匪約集興國大冶之賊五六千人先踞城拒守復分三路直撲我營知縣邢高魁分三路應之鏖戰二時之久賊遂大敗乘勝追至橋頭殺賊二百餘名三更時賊復率眾撲營見我軍屹立不動歷時乃退羅澤南在汀泗橋聞信卽率各營前進行至咸甯城西時方大霧賊始不知突見城外多壘賊眾大亂縱火焚燒橋亭使我軍無進攻之路羅

澤南同李續賓率兵攻城之西北邢高魁等攻城之東南諸勇或從橋上撲火而進或從水淺處裸身而涉直逼城下攀緣而登賊眾盡從東門逃出分途截殺斃賊數千人隨即收復咸甯縣城羅澤南進駐桃林鋪探知逆賊敗後下竄江夏之山坡驛復乞救武昌城內之賊共得八九千人盡聚驛店於山坡上五里四姑腦地方派民修築土城以爲頭卡於山坡下五里街修葺木壘以爲二卡冀以抗拒我師又伏悍賊以衝我之行陣羅澤南分各營爲前後隊行至四姑腦近處突遇賊匪分三路而來李續賓吳坤修禦中路大股知州唐訓方禦右路遊擊普承堯等禦左路羅澤南陪伏左路樹林之前以防賊伏賊乘我師列陣未就分路來撲我師亦分路應之殺斃前鋒數百人賊遂敗走乘勝追殺賊至山坡驛前復踞險頓旗以待羅澤南等從樹林截出賊不虞我軍之突至

遽施火槍噴筒以拒我師奮力衝突殲其前鋒七十餘人林後之賊亦敗爲諸勇所遏不能回驛由驛左山坳以竄山坡之賊方在抵敵遙見伏兵已破而各路兵勇奮殺遂盡從驛北以竄知縣蔣益禮軍功劉騰鴻聞前路礮聲不絕知與賊戰卽與前隊共相追殺斃賊三千餘人生擒六百餘名奪獲大小黃旗八百餘面烏槍擡槍七百餘件至金口爲水陸要衝賊踞日久牆壘尤堅伏思陸路正兵由蒲咸驛路而進賊必探知可以豫爲準備如先以偏師循江岸擣金口則水陸聲援可通而賊亦不虞官兵遽至金口關隘可奪而有臣楊載福飭水師自陸溪口拔營以中營都司鮑超守備李濟清前營都司王明山副前營都司銜守備萬化林副左營守備銜千總陳金鼉等循江南岸面下而自率右營遊擊李成謀等循江北岸繼發又飭副將王國才帶陸勇循北岸以渡新灘

口賊聞我軍北岸已復潰口蔡店進徧漢陽南岸復蒲咸破山坡而由驛進發其新灘口各處之賊聞風卽潰皆竄聚金口以禦我師復以拖罟快蟹大礮船數十號長龍三板快划數百號泊於金口橫截中流並以賊壘五處護之鮑超由中路奮勇當先陳金鼈萬化林繼之李濟清鈔其左王明山鈔其右四面圍擊鏖戰踰時賊以千斤大礮排列施放四徧我軍以戰艦排列施放六徧賊怯而不敢進我軍每放一輪卽進十餘丈六徧之後軍船已近賊舟鮑超右肋中大礮子傷吐血升許而勇敢絕倫進戰益力眾軍益奮擊沈賊船數十隻斃賊數百名乘勢衝入賊陣施放火箭賊勢不支乃開船下竄我軍且追且燒轉戰五六十里賊船沈沒無算岸上之賊亦有驚潰水師進泊金口大軍山及

口臣楊載灃遂率副將王國才等以其陸師及全營水師進屯沌

口臣等查南北各路仰仗天威水陸並進臣胡林翼臣楊載福

與道員羅澤南均會於金口密商訂期齊攻武漢以冀速復堅城

上舒宸念出力及陣亡各員并可否懇恩分別獎卹出自聖

裁上諭內閣官文胡林翼等奏水陸剿賊大勝克復咸甯金口

一摺此次水陸獲勝大振軍威著官文胡林翼即督各路勝軍迅

克武漢○胡林翼奏臣前保知縣劉蓉久在湘營羅澤南稱其於

當世之務無不窮究侍郎臣曾國藩延之幕中自克復湘潭岳州

武昌以至潯城參議軍謀竭誠贊助今秋援鄂劉蓉管帶副右營

克復通城崇陽蒲圻皆資借箸其父劉東屏年近七十屢召之歸

其弟劉藩攻城陣亡劉蓉素性孝友負骸歸養惟念軍務至要當

此武漢待復江南未平必須該員襄理湘營事宜應請飭下湖南

撫臣傳諭劉蓉之父即飭劉蓉迅赴軍營隨同羅澤南辦理營務

上諭湖南在籍知縣劉蓉係因親老回籍之員惟據胡林翼奏稱該員熟悉營務足資襄辦著駱秉章卽飭劉蓉前赴羅澤南軍營隨同辦理營務○以克復江西義甯州城實在籍禮部主事甘晉直隸州知州李瀚章花翎餘升擢有差○以克復湖北咸甯縣城並金口剿賊出力賞都司鮑超巴圖魯名號餘升擢有差予陣亡從九品李開益等祭葬世職○己丑以安徽民團剿賊出力永廣涇縣學額三名欽賜太平各二名○是月調緩山東東平等二十九州縣暨東昌等三衛永阜場被水災新舊額賦濟甯等二州縣及臨清衛均加賑一月口糧烏嚕木齊奇台縣被旱歉收地畝本年額賦並貸貧民六月口糧湖南澧州等八州縣被水被旱被擾村莊新舊額賦並原借籽種及隄工銀緩徵甘肅河州等十七廳州縣被水旱雹霜地方新舊額賦新疆惠遠城歉收地方本年

額賦停緩河南孟津等二縣衝壓地畝額賦展緩吉林三姓歉收
地方江蘇丹陽等三縣被兵鄰近地方上年未完額賦

東華續錄

咸豐五十五

臣王先謙敬編

臣陶潛宣恭校

十二月庚寅朔

上詣

大高殿祈雪

○辛卯諭內閣怡良等奏

請申明定例嚴飭沿海地方不准私船出海等語廣東潮州等府人民繁庶素性獷悍其失業游民每多覓食外省千百成羣近年以來以充當潮勇爲名紛紛航海由乍浦上海等處登岸其中良莠不齊往往聚眾滋事本年蘇州地方卽有搶奪行李之案雖將該犯馬泳風等擊獲正法而見在寄食游民尙不減少著該督等嚴飭地方官查明此項廣勇內有並非官雇不受約束或私販違禁貨物不安本分者責成地方各官督同會館董事清查懲辦並著沿海督撫各飭所屬於海船出洋時務須悉遵舊例給與執照

將在船商民年貌籍貫註明如有人照不符及照外夾帶卽行查拏治罪並不准私造船隻渡載人口貨物責成守口員弁挂號驗照如有無照人民私自渡海者除將偷渡人船照例辦理外並將失察私造船隻之地方官查驗不力之守口員弁嚴參懲辦得賄故縱者從重治罪○向榮吉爾杭阿奏鎮江逆匪自連次痛剿後勢漸窮蹙有由陸路南竄丹陽水路占踞焦山東竄江陰之語臣吉爾杭阿查該逆南竄丹陽之路必由東南北三門而出其東北二門自沿江迤邐築牆至京峴山有余萬清紮營堵剿無虞竄逸惟南門外地大兵單虎頭山尤當衝要因飭已革鹽知事張翊國紮營虎頭山下充當頭敵一面商之余萬清將潮勇移紮都天廟並飭副都統致祥等將前駐茶亭之四營移近駐紮與東西各路營盤聯絡十月二十六日該逆由南門衝突而出一經我兵出隊

迎勦卽潛身頽垣敗壁中施放槍礮我兵不能進攻是夜密商虎
嵩林等帶領兵夫將該處垣壁拆毀二十七日該逆復由南門而
出我兵奮勇直前該逆卽退回城於虎頭山迤東之羊角山修築
礮臺對新紫各營開礮轟擊二十八日余萬清帶領隊伍運礮數
尊排列於都天廟前向羊角山橫擊臣吉爾杭阿督同知府劉存
厚等帶隊至摩旗山開礮向羊角山斜擊虎嵩林等由正面攻搶
羊角山擊至申刻摩旗山開放大礮擊斃多賊城上人聲慌亂羊
角山之賊亦漸不能支持遊擊姚麟將賊築礮臺全行平毀余萬
清所派隊伍亦將其護礮土埂犁平是役臺戰至六時之久擊斃
逆匪約有千人十一月初一日江北賊船聯檣而來蟻聚南門城
外我兵嚴陣以待至申刻始行散去遂將虎頭山營盤趕緊興築
完整飭令張翊國等移紮山巔該逆在城牆施放大礮俱越我虎

頭山營盤而過其擡礮烏槍及我營牆而止該逆已計無所施初五日眾逆沿江而上臣吉爾杭阿當飭遊擊李若珠等迎擊一面商令虎嵩林等尾鈔其後該逆行至九擺渡地方見我兵前後追襲由濱江沙灘狂奔而遁臣吉爾杭阿知該逆南竄之路已絕必將西竄金陵因函商托明阿在陳國泰所帶紅單船內抽撥五隻移紮南岸高資港口與高資營盤互相聯絡十二月十五日會同虎嵩林等前赴永固等洲將洲上樹木砍伐賊由金雞嶺一帶出巢臣吉爾杭阿派參將周兆熊等分路夾擊斃賊不計其數該逆因陸路無從竄逸勢不能不占踞焦山東竄江陰臣等當會同前撫臣許乃釗及余萬清等前赴焦山查看形勢函商托明阿等於南北兩岸兵勇內抽撥二百名紮營焦山安設礮位與艇師各營盤互相犄角十四十五等日該逆用木紮筏兩架上築礮城輔以

江船數十號乘風上竄臣吉爾杭阿登高瞭望目擊陳國泰排列水陣奪獲木筏一架焚燬一架並獲江船多隻十六日金陵逆匪數千分作兩股由棲霞一帶直竄而下援應鎮逆臣向榮一面調派總兵德安張國樑分投追剿臣吉爾杭阿亦飛商余萬清等派兵馳赴高資而兩股逆匪已爲德安張國樑等剿洗殆盡十九日金陵逆黨由觀音門一帶來援鎮江臣吉爾杭阿仍飭虎嵩林等馳赴龍潭迎剿並杜其旁竄句容之路旋接探報此股逆匪亦經張國樑等擊敗回巢旋聞鎮城逆眾於南門迤西修築木架礮臺臣吉爾杭阿會同余萬清親赴摩旗山將大礮對準然放轟倒賊築礮臺該逆由東北二門出賊數百人直撲王家灣欲燒民屋經我兵奮擊傷賊數名該逆恃眾抗拒參將台斐音等憑牆施放大礮擊入賊隊一面由江邊鈔襲逆勢不支敗竄回城臣等竊思該

逆於數日之間水陸並竄金陵之逆又分隊下援其窮蹙情形已
可概見見在水陸大獲勝仗逆膽更寒而我兵南北合圍水陸並
堵可期聚而殲之報聞○壬辰諭內閣惠親王等奏鐵錢局四廠
鑪座開設齊全將收支錢文採辦鐵炭及卯錢數目開單呈覽並
請購買房間設立總庫各摺片均著戶部覈議具奏月片奏請由
捐輸項下撥給錢文抵還正藍旗滿洲官房等語著依議○甲午
諭軍機大臣等載增富森奏中路空虛亟須撥兵防守一摺據稱
由襄河上竄之賊雖經王國才李孟羣等擊退而沔陽及監利潛
江一帶湖港分歧恐賊情譎詐以大股牽掣我軍分股暗趨潛沔
各路請飭官文酌撥兵勇駐紮中路防守等語前調四川兵勇本
爲防守荊州而設旣經官文調赴大營會剿則此時中路空虛自
應撥兵援應著官文體察情形如大營兵勇有可分撥卽飭赴中

路駐紮各要隘以固荊州門戶仍知照載增等嚴密防範毋稍疏虞將此由六百里諭令知之○諭黃宗漢奏派兵堵剿黔邊賊匪並續辦按糧津貼各一摺前因蔣蔚遠請調川省兵勇諭令黃宗漢酌量調撥交襄邊參將蔣玉龍統帶前往業經黃宗漢先派遊擊傅岷帶兵一千名赴黔聽調嗣因桐梓仁懷逆匪餘黨揚言入川報復飭傅岷折回仁懷一帶剿擊見在酉陽秀山又有桐仁匪徒窺伺該督因蔣玉龍熟習川省情形未便遽令赴黔著卽照所奏飭令蔣玉龍帶原派兵丁前赴秀山會同阜陞等相機堵剿俟得手後再行前進其夔巫防兵已經德恩帶往湖北備酉陽等處情形喫重川省兵力空虛卽著咨商官文調回本省協剿至該督以軍務未竣需餉孔亟請於六年再辦按糧津貼原係不得已之舉川民疊次輸將募義急公朕所深悉惟既藉資民力卽應嚴防

苛派侵蝕等弊著黃宗漢悉心妥辦毋令不肖官吏藉端需索致
滋擾累其邊苦州縣儻實係民貧無力卽據實查明免徵以示體
卹又樂斌黃宗漢另摺奏稱參將塔芳阿等剿夷陣亡等語業經
降旨從優議卹惟所稱建昌道鄂惠先以兵練不熟各路徑曾向
塔芳阿阻止及該參將由五里箐進剿卽派兵練馳往接應情形
是否確實抑係該道應援遲誤事後飾詞並著確查具奏毋稍徇
隱將此由六百里諭令知之○諭前因廓爾喀藉端滋擾占踞地
方諭令樂斌黃宗漢於川省素諳夷務之員悉心採訪除撥兵攻
剿外有無他策足以控制廓夷茲據該將軍等奏遵議控制情形
並酌擬六條開單呈覽廓夷與唐古忒構釁經赫特賀屢次檄諭
乃抗不遵斷肆意要求占踞地方此時業已用兵克復聶拉木攻
破宗喀外城其勢不能中止惟辦理外夷總宜剿撫兼施恩威並

濟該將軍等奏責成喇嘛噶布倫一條據稱達賴喇嘛班禪額爾
德尼總理藏務其下額設噶布倫四名管理營官此次廓夷因營
官溢徵稅銀及搶劫斃命宜責成喇嘛及噶布倫等實力設法辦
理等語西藏羣夷向背全藉喇嘛宣講經典以結親睦前曾諭令
知照達賴喇嘛色呼本諾們罕朗結曲丕等妥爲開導見在川兵
既不能驟調設來歲春融該夷復出我兵不免單弱著卽令該喇
嘛等自相聯絡密爲防備以助兵力之不及至所請派令已革之
諾們罕阿旺扎木巴勒楚齊木赴藏一節斷難准行其噶布倫中
之碧喜巴住策墊薩爾瓊四人旣稱爲眾夷稱仰著該大臣等查
明如果可用卽令協同辦理夷務其前藏至後藏中閒江孜地方
後藏至定日汛馬布加地方均屬中道要害著赫特賀與滿慶體
察情形添調番兵以資扼守一面嚴飭攻剿宗喀之噶布倫等相

機籌辦不可貪功輕進致有貽誤至該將軍等所稱將生擒夷人擇其素爲該夷所重者畱於營中羈縻爲質其餘人等遣令回國示以不殺之恩啟其悔罪之念卽令遣回之人往來修好仍將前斷唐古忒溢徵銀兩再予秉公斷給等語實爲辦理此事要著該大臣等遵照妥辦務使該夷知感知畏不至久勞兵力樂斌等所奏六條著鈔給閱看將此諭令知之○予四川陣亡遊擊塔芳阿等祭葬世職○乙未諭內閣昨因太監丁得祿犯案查出戶部員外郎桂祥與該太監書寫對聯職官與太監交接殊干例禁桂祥著降一級調用○向榮奏金陵踞匪疊受創懲而時萌援應鎮江內犯蘇常之意節經添兵嚴防連日探有湖北竄回之賊五六千人合併城中死黨嘯聚觀音門七里洲一帶十一月十五日據探該逆分作數路聲言夜間大夥齊出一走姚坊門至仙鶴門內犯

兩股由觀音門直趨棲霞東陽一帶竄援鎮江分黨由太平朝陽
洪武三門出撲牽綴我兵又有賊船二百餘隻由七里洲出江下
竄當經挑派兩粵四川各兵勇及黑龍江吉林馬隊交總兵德安
張國樑統帶馳赴仙鶴門迎剿次日守備李日昇等與賊接仗適
德安張國樑大軍從後路兜至逆眾大敗回奔又經黑龍江馬隊
圍剿斬賊一千數百名餘賊沿江敗走我軍奮勇追擊該逆撲水
淹溺者又七八百人生擒二百三十餘名此股賊匪幾無遺類而
前竄之賊約有三千餘人一股已至東陽一股尙在棲霞街臣飛
令張國樑繞過東陽以德安堵剿棲霞後路十七日張國樑會合
兵勇行至東陽前面該逆擁眾苦戰張國樑揮令馬隊鈔攻賊果
後顧驚亂德安聞東路礮聲亦分兵三隊由上流涉水進攻逆眾
正在棲霞街造飯被我軍三面兜圍一鼓衝入該逆突出一千餘

眾前來抵敵遊擊李鴻勳等各率兵勇突入賊隊殲賊四百餘名
該逆立時敗潰維時張國樑一軍已由東陽追來兩面夾剿賊敗
走石埠橋江邊經我軍馬步隊伍沿江追截俘斬不計其數餘俱
撲溺大江無一得脫者其逸出江邊之賊經總兵陳世忠艇師及
六合縣兵勇擒斬數十餘名竄匿各村莊者亦經句容縣勇練搜
捕正法十九日復探有賊二三千人在觀音門一帶築壘空濠當
與福興籌商調度飭令張國樑等馳往傅家橋分投進剿定於二
十日寅刻齊至觀音門張國樑先由東路殺進擊斃逆眾數十人
秦如虎由西路翻山攻進遇賊千餘迎戰經守備杜照瑞等各帶
兵勇包鈔該逆紛紛敗走秦如虎督兵直前追近中路適順庭已
領旗兵衝入餘逆四散竄逃復經馬隊左右鈔攔截殺二百數十
名一齊追至岔路口突有悍賊數百來援秦如虎揮令董洪昇等

迎戰將悍賊併力擊刺斃賊不計其數餘匪狂逸江邊我軍盡力
追逐該逆撲江淹溺間有鳧水得脫者均奔入儀鳳門水營連環
開放大礮我軍阻水難進將一帶賊巢焚燬淨盡統計斃賊共三
千餘名二十三日賊首聿涓輝聚黨數千竄至觀音門一帶臣仍
令張國樑秦如虎分統官兵連夜馳往仙鶴門於二十四日分路
進剿該逆卽行遁回張國樑等會兵追過觀音門焚燬賊卡數處
因思北路當內犯之衝乃江鎮往來要隘該逆連出窺竄我兵漏
夜馳截並檄鎮營兵勇節次往來未免疲於奔命因與吉爾杭阿
函商必須屯兵北路委令副將王淩前往履勘查東陽鎮最爲扼
要由江鎮抽勇二千名交德安帶赴該處紮營四座相機戰守旣
以遏金陵賊出並可斷鎮逆歸途一俟兵力稍充再步步由城北
移營進逼以爲合圍克復之計又奏蕪湖逆匪盤踞神山意圖內

犯十一月十五日一戰擊退神山之賊十八日范羅山石壘之賊忽出弋磯江邊窺伺陸軍追近賊壘外濠逆眾復回抗拒千總黃繡帶勇撲入斃賊五六十名不防賊於迎面猝至刺中心坎登時陣亡二十三等日旗羅陶陽鋪等處賊匪全股齊出疊犯神山並旁擾龍村斗門丁橋一帶直撲我營其范羅山之賊亦衝突常山弋磯牽綴我軍連日鏖戰各兵勇踊躍用命擊斬賊匪一千數百名其紅單挖營等船節次在江中乘風攻剿並經吳全美率同各水勇快艇划船晝夜巡堵江面屢次截獲偷渡賊划殺斃多賊據鄧紹夏呈稱太平金柱關又到賊黨分股至查家灣焚劫嘯聚擄掠船隻聲言欲犯黃池該處當內竄要衝直接高淳東壩見在東陽既須堵紮秣陽關亦無兵可抽臣惟有揀派精銳一軍以備緩急如果黃池有警卽令總兵明安泰統帶馳援由高淳一帶攔

勦一面密飭鄧紹良安防後路不可稍有疏虞其蕪湖內外之賊出沒靡常與江北賊勢蔓延如能先將江面扼斷使該逆不能接濟自可以次蕩平所有前籌關門洲闌紮木筏已飭催鄧紹良等趕緊妥辦並令與吳全美力圖扼勦一面設法進攻毋再遷延

上諭軍機大臣等金陵賊匪窺伺蘇常已非一日向榮以東陽鎮最爲扼要飭德安帶兵二千前往紮營堵遏固足斷逆賊北面來往之路據鄧紹良探報太平金柱關匪黨欲犯黃池則高淳東壩一帶均關緊要著向榮與吉爾杭阿隨時確探賊蹤撥兵應援一面飭德安明安泰等相機攔勦毋令內犯至該逆窺伺腹地必先分布奸細潛往勾結怡良駐紮常州原爲扼要防堵起見今該逆既有內竄之意著嚴飭地方文武員弁於丹陽高淳無錫一帶嚴拏奸細以消內患設有警信並著怡良就近撥兵策應毋稍疏懈

將此由六百里加緊各諭令知之○丙申諭軍機大臣等陸元烜奏瑞州臨江先後失守請調湖南兵勇並催浙江廣東軍餉一摺已諭知駱秉章趕緊派撥並諭葉名琛柏貴何桂清照數籌解矣臨江距省城僅二百七十里瑞州距省城僅一百二十里均係一水可達此時省城防兵僅止二千餘名緩急萬不可恃曾國藩近在九江所帶水路兵勇爲數不少數月以來並未與賊接仗九江既不能克徒糜餉項株守一隅見在省城緊要萬分豈可再行坐視著卽迅撥兵勇馳往瑞州臨江二處與本省兵勇合力剿截以遏賊鋒並著會同該撫等分兵嚴扼要路保護省垣毋稍疏懈前諭令將黃贊湯所帶練勇四千名分撥布置原恐湖南湖北逆匪合而爲一擾及袁臨今旣已合股內竄著陸元烜卽將該侍郎所帶練勇派委文武幹員統帶前進與周玉衡周汝筠等合力攻剿

加以耆齡所帶兵勇與曾國藩所撥兵勇前後夾擊庶不至擾及
省垣萬不可專待湖南之兵致滋貽誤本日復據廉兆綸奏江西
募勇約有一萬五六千而名目繁多竟有百餘人爲一隊者似此
散而無紀遇敵何能制勝該學政所請裁去一切名號併爲三四
軍每軍可得四五百人派素有威望大員各統一軍責成剿賊較
爲得力卽著陸元烺酌量歸併派員管帶此時南昌省城逼近賊
氛一切守禦事宜甚爲喫重新任巡撫文俊見抵何處著卽迅速
赴任與曾國藩妥籌剿辦毋再耽延文俊自楚省赴江已好回繞
道至陝名爲迎摺北上實則故意耽延勿謂朕見聞莫及也將此
由六百里加緊諭令知之○諭陸元烺奏軍餉緊急請飭鄰省迅
籌協濟一摺據稱江西省獨力接濟楚軍月餉一載有餘羅掘殆
盡見在瑞州臨江兩郡城被兩湖逆匪分股擾陷逼近省城添兵

必先籌餉若非協助實難支持等語該省待餉情形自係萬分喫緊浙江省尚有未解部撥協濟江西餉銀十二萬兩廣東省有應行解還江西墊發救援韶關餉銀七萬三千餘兩著葉名琛柏貴何桂清如數籌撥委員迅解江西俾資接濟毋誤要需將此由六百里加緊各諭令知之○諭陸元烜奏賊擾臨江瑞州請撥楚兵助剿並請調劉長佑帶兵各等語湖北崇通賊匪並湖南茶陵州之賊竄入江西瑞州臨江兩府先後失守賊氛逼近省垣人情震動該署撫所稱本省兵勇不敷剿辦自屬實情湖南壤地相接應援較近著略秉章選派精勁兵勇三千名卽日前往江西駐剿至候補知府劉長佑前因該撫奏留湖南降旨允准並續據奏稱派令帶勇與王葆生等會剿鄱縣賊匪此時江西情形緊急必須勇敢之員藉資得力著略秉章卽將所派兵勇交劉長佑統帶剋日

前赴江西協力攻剿儻劉長佑不能前往卽著另派得力員帶兵勇星馳前進其應備器械鉛藥口糧等項均著妥爲籌備俾得迅速成行不至遲延貽誤將此由六百里加緊諭令知之○以瑞州臨江府城被賊竄陷署巡撫陸元烺等下部議處于陣亡知縣劉希洛等祭葬世職○于徵傷亡訓導秦相祭葬世職○戊戌諭軍機大臣等邵燦奏蘇省今年秋成較爲豐稔稽覈各屬報歉分數過多緣署藩司楊能格偏護屬員遇事未能得力每致辦理掣肘見在起運新漕數約九十餘萬石若以年歲而計尙可不止此數總因州縣辦漕利其徵少而浮收往往捏報災荒希圖肥己甚至以重則註緩輕則造徵此等弊竇相沿已久等語京倉支放專恃南漕接濟況徵多而輕納於民間完數無所出入若徵少而浮收則官吏藉以中飽徒損於國而無益於民若如該漕督所

奏該署藩司於屬員捏報災荒不能覈實剔除意存袒庇以致辦理掣肘此風斷不可長著怡良吉爾杭阿查明楊能格如有前項情弊卽行據實參奏毋稍徇隱自干咎戾將此由四百里諭令知之○予江西陣亡巡檢張育枏等傷亡府經歷張雲漢祭葬世職○截畱江蘇漕米二十萬石濟軍需○己亥諭內閣禮部奏琉球國使臣呈稱該國世子此次恭進方物懇照道光二年咸豐元年准予賞收免其畱抵等語該國世子因慶賀冊立大典專遣使臣呈進方物前經降旨畱抵下次正貢原以昭體恤而示懷柔今據該使臣等呈稱伊等臨行時該國世子諄屬懇請准予賞收免抵下次正貢具見扞忱效悃誠懇可嘉著照所請此次所進方物准予賞收下次正貢屆期該國遣使來京時再當優加賞資用昭柔惠遠藩至意該部卽傳諭該使臣令於回國時轉告該國世子知

之○官文楊載福胡林翼奏十一月二十八日道員羅澤南率湘勇各營紮洪山南岡修築營盤賊眾聚蛇山觀望不敢出戰臣胡林翼於紙坊拔營進駐李家橋逼近省城之南十字街口八步街口壘匪約共二萬餘人從十字街而上以阻我師勢甚兇悍候補參將普承堯等分路迎敵斃其前鋒數十人賊敗退復戰各營復奮力禦之如是者三四次相持至二時之久羅澤南李續賓登洪山瞭望卽派直隸州知州蔣益漕駐守老營防壇角之賊並分右營三哨據洪山以制東門外礮臺之賊羅澤南等親率兵勇至賽湖隄邊直攻附城大壘及十字街口之壘普承堯唐訓方等暗令諸勇佯敗反旗而走賊不知我師業已鈔出諸勇縱火焚燒壘中之賊無得脫者其追我師之賊從隄下藕塘以竄陷於泥淖有一勇殺至數十賊者餘賊俱由十字街口遁附城大壘之賊見我師

分支由賽湖隄上進攻遽合二小壘之賊來禦我師以擡槍轟之馬俱倒斃賊大敗歸壘我師尾之賊皆縋城而上其不及縋者盡爲我師所殺二小壘亦一時並踰縱火焚燒與十字街口賊壘之火同燭霄漢臣六營之勇追賊至十字街羅澤南等之攻附城賊壘者因由城根橫入首尾交擊屍橫滿街乘勝至望山門外鮎魚套口而止及壇角之賊繞洪山而東漢陽之賊渡大江而南諸壘灰燼已無濟矣是役也兩路連破四壘殺斃燒斃約三千人生擒二百餘人道員羅澤南李續賓參將普承堯首先衝鋒知府銜唐訓方率各營繼之將士均極奮勇容臣查明彙案請保見臣官文已飭各路速攻漢陽並另派兵勇前往石觜金口協剿以助聲威臣胡林翼與羅澤南速攻武昌水師則南北兩岸上下衝擊總期迅復堅城以慰聖廬上諭此次道員羅澤南等帶兵進攻武

臣叩破賊壘大獲勝仗勦辦甚爲得手所有出力將士准該督撫等查明彙案保奏仍著會合南北兩岸水陸各軍乘勝迅圖克復武漢兩城掃蕩逆氛以慰朕望○予湖南陣亡副將周雲耀等祭葬世職○庚子官文奏臣前隊諸軍自攻敗漢陽城外之賊卽在三眼橋築營九座顏朝斌孔廣順張禹祿石清吉四營列於前李孟羣李保邦二營在中何越珽盧又雄二營居後綿洵帶馬隊各營在後接應因與武昌之兵約期進攻武漢臣於二十八日馳至蔡店督戰因漢陽城內之賊堅匿不出毀除城外賊卡二座轟倒龜山尾至伯牙臺土城一道約計殲斃二百餘名餘俱逃散十二月初一日臣親赴三眼橋督隊李孟羣率各營兵勇由十里鋪進攻飭礮船由河下來擊先奪西門外頭卡賊礮連擊我兵伏地而行直至卡邊勇目張兆麟躍身先登眾勇繼之卡內之賊措手不

及俱被殺傷趕散放火焚燬隨派盧又熊與李光榮帶勇由西門橋進攻毀其土城何越珽等帶勇山龍燈隄進攻餘營分投接應盧又雄等至龜山尾遇賊大股拒戰擊斃賊數百名李保邦等至月湖隄接戰賊勢不支急往後退追墜入水者不計其數礮船攻至五顯廟連燬賊船十餘隻破賊水卡二座奪獲賊船四隻漢陽東西城外土城俱已毀盡據生擒賊供漢陽城內本有二萬餘賊數戰之後傷亡逃散存不及半見仍督軍環攻相機進取其羅澤南之軍自攻克咸甯城池復大敗賊於山坡驛毀其堅壘旋由金口進紫洪山胡林翼亦進次李家橋上月南北兩岸各軍約期出隊胡林翼破保安門外賊壘羅澤南破洪山以下賊壘維時王國才在沌口出隊訥欽都興阿等在沙口漢鎮出隊均有斬擒並焚燬賊船南北兩岸火光相接賊呼號不絕浮屍蔽江昨武昌城

中僞丞相熊鴻恩自黃陂通信願投誠內應臣當送交胡林翼就近安辦惟屢接胡林翼來函金口石背地方我軍後路糧道攸關無兵防守臣因銅仁糧匪徐士杰等復陷松桃屢犯鎮寧等處將前調兵一千名內分撥後起兵四百名畱在南省防剿其已到北省六百名當飭紮於石背地方爲羅澤南等後應俟川兵到時再行酌量分撥上諭軍機大臣等漢陽城外賊卡土城經官文督兵進攻悉行焚毀胡林翼羅澤南亦將武昌保安門外及洪山等處賊壘分投剿除南北兩路官軍均極得手武漢賊匪不能相顧勢極窮蹙著官文乘此聲勢會同胡林翼羅澤南併力攻剿節節進逼迅圖克復兩城將此由六百里諭令知之○諭官文奏督兵進逼漢陽獲勝攻破賊壘並武昌各軍大獲勝仗惟各營餉需皆有欠缺勸捐之款緩不濟急懇飭催各省接濟等語武昌漢陽兩

路屢獲大勝指日可期克復若使軍餉有缺恐致功敗垂成河南與該省唇齒相依接濟較近且聯莊會匪見已解散徵納錢糧必當踴躍著英桂卽飭藩司酌撥銀數萬兩派委妥員解往官文軍營俾得發給各路欠餉迅圖克復武漢不得藉口於無款可籌致誤要需將此由六百里諭令知之○諭官文奏餉需缺乏請飭催撥款一摺山西陝西疊經按月撥解湖北軍餉銀三萬兩見在該省情形必須寬爲接濟著王慶雲吳振械於每月應解湖北三萬兩之外再添撥銀二三萬兩迅速解赴官文軍營俾資攻剿毋誤要需將此由六百里各諭令知之○辛丑諭內閣宗稷辰奏平寇需才請保舉備用一摺見在用兵省分如有才兼文武膽識出眾之士自應隨時採訪或令隨營或辦團練以收實效該御史所稱湖南之左宗棠浙江湖州之姚承輿江蘇常州之周騰虎管晏廣

西桂林之唐啟華才略各有所長著江蘇浙江湖南廣西各督撫悉心訪查如其人果有經濟之才卽著出具切實考語送部引見此外衡茅伏處不乏英奇並著各督撫廣爲諮訪擇其素懷忠義輒略過人者據實保奏一併給咨送部引見候朕錄用總期保舉得實毋尙虛聲將此通諭知之○曾國藩奏據各路探稱此次賊犯江西竇係僞易王石達開僞豫王胡以洗僞易丈黃姓僞丞相曾姓張姓率眾二三萬人大舉內犯九月間從安慶上竄自樊口登岸取道金牛西上九月二十五日濠頭堡之挫參將彭三元等殉難十月初五日通城之挫知縣李原濬等殉難十五日義甯之挫總兵劉開泰殉難此次瑞州之挫知縣李銀劉希洛等殉難皆係與石逆大股相遇該逆往來於湖北湖南江西三省交界之區蹂躪猖獗逆氛極惡萬載股逆自茶陵而來者已與粵匪合而爲

一臣

查石達開爲賊中著名驍悍之魁上年在湖口與臣軍水陸

接仗詭計百端卒挫我師今乃大舉內犯非厚集勁旅不足以資

堵剿臣處陸路兵勇除羅澤南一軍業經調赴鄂省外惟副將周

鳳山九江一軍尙爲得力臣接瑞臨失陷之信卽飛調周鳳山統

帶全軍前往堵剿已自九江拔營進攻瑞安臣亦知尋防喫重不

宜輕撤奈石逆大股竄踞瑞州恐其肆擾腹地江省難以抵禦臣

處別無重兵不得不先其所急暫解九江之圍移剿瑞臨之賊江

省水師係知府劉于瀄統帶八九月間隨臣紮泊南康後因茶陵

股匪竄至安福臣調該知府至吉安防堵旋因萬載新昌先後竄

陷署撫臣陸元烺又調至樟樹鎮防堵今石逆大股攻陷瑞州臣

恐江西水軍過於單薄又在青山楚軍水師內抽調賀虎臣一營

帶戰船三十號駛赴省河與劉于瀄協同防守梭巡上游一帶毋

使該逆東渡直薄省城至羅澤南一軍入楚以後克復通城崇陽
大捷羊樓洞克復蒲圻戰功屢著茲石逆大股猝來江西江省官
紳皆思調羅澤南回江會剿臣思湖北通城縣爲三省適中之地
與湖南之巴平湖北之崇蒲江省之義甯州相去皆在百里內外
已飛飭羅澤南在通城地方駐紮俾石逆大股有所牽制顧忌不
敢深入江西腹地三省有急可以兼顧如周鳳山一軍不敷剿辦
再調羅澤南由義甯回江助剿以爲後勁之繼如瑞臨之賊迅就
撲滅則羅澤南由通城回攻武昌亦不過二百餘里其贛南道耆
齡督同遊擊遮克敦布帶贛勇二千在饒州防堵聯絡紳團屏障
東北深得民心署撫臣調耆齡至吉安義甯等處防剿饒州士民
來臣營兩次稟請該道畱饒情詞懇切旋因瑞事愈急署撫臣飛
檄飭催耆齡令遮克敦布先帶贛勇一千馳赴省城今瑞臨並陷

九江重兵已撤赴省城局勢大有變更則遮克敦布之兵自應仍回饒州以嚴東北之防查江省九十月以後土匪自湖南茶陵而來粵逆自湖北通城而來西邊吉袁瑞臨四府並遭蹂躪此時惟當防守東北力保饒廣撫建四府庶錢糧有可徵之處奏報有可通之路保全半壁翼以挽回全局臣屢次函商署撫臣陸元烺留耆齡久駐饒州無庸調往他處近又咨商請飭遮克敦布帶賴勇仍回饒州防堵東路以免疏虞上諭軍機大臣等前因江西瑞州臨江同時失陷省城危急諭令曾國藩撥兵前往合剿本日據曾國藩奏已飭副將周鳳山將九江全軍帶往瑞州復於青山水師內撥船三十號赴省河協剿自係先其所急惟九江如何布置未經奏及設或周鳳山全軍赴省而潯城逆賊潛躡其後或擾江西腹地或上竄湖北下連蕪湖隨在可慮曾國藩見駐南康存營

兵勇共有若干能否嚴扼九江之衝卽著安籌布置不可專顧一路羅澤南進攻武昌正在得手據胡林翼等奏卽日可期克復未便遽行撤回俟武漢克復後該道或徑趨江西或由崇通攻賊之後再當酌量催調至耆齡遮克敦布駐紮饒州之勇旣經調赴省城再令撤回亦多周折惟該侍郎意在保全完善之區亦不爲無見著陸元烜通盤籌計將耆齡遮克敦布二員酌留一員在饒督同本地練勇扼要防守其見調兵勇仍飭前往瑞州以期兵力厚集至臨江踞城之賊亦應亟籌分剿見派兵勇均係前往瑞州尙未計及臨江本日廉兆綸奏稱袁臨竄匪漫無制遏裹脅日眾尤恐其互相犄角牽綴我軍況周汝筠練勇業經遣散尙須重募劉長佑又未必能來所調湖南兵勇亦恐驟難分撥著曾國藩陸元烜妥籌兼顧萬不可因有警信張皇失措徒使兵勇有調撥之煩

轉授賊以可乘之隙也將此由六百里加緊各諭令知之○諭前據樂斌黃宗漢奏遵擬控制廓夷情形並單開六條當經諭令赫特賀滿慶體察妥爲辦理本日復據赫特賀奏噶布倫策墊帶兵往攻緘轄爾突有廓番七八千人由約木卡拉踰崖直撲聶拉木藏屬番土各兵寡不敵眾致聶拉木營寨復被廓夷奪踞緘轄爾雖經克復而防兵過單亟須援應擬請添調打箭鑪以外之德爾格特章谷瑪斯孔薩畢日各土司兵以資協剿等語外夷固宜勦撫兼施而旣已進兵勢難中止自應量爲添調惟此項土兵能否得力該處雖距藏較近所需軍裝口糧等項諒亦不少較之川兵究能節省若干著樂斌黃宗漢審度情形儘事屬可行卽著一面飭各土司將所屬土兵挑選齊備派員管帶飛咨赫特賀等候調一面由驛奏聞將此由五百里諭令知之○諭前據樂斌黃宗漢

奏遵旨酌議控制廓夷六條當經鈔給赫特賀滿慶閱看並諭令
查照所議妥爲辦理本日據赫特賀奏噶布倫策墊分兵往攻絨
轄爾以致聶拉木復被廓番奪踞請催調四川官兵及打箭鎗外
各土司兵丁並已飛咨滿慶調前藏兵二千名赴策墊軍營協力
防堵等語廓爾喀前次占踞聶拉木等地方經該噶布倫帶兵克
復後方謂該夷自應畏懼悔禍乃敢聚眾數萬將聶拉木復行侵
占是撥兵剿辦勢不得已所有前藏挑備僧俗土兵著照赫特賀
所請調派二千名前赴通拉山策墊軍營藉資防剿應需口糧鉛
藥卽著滿慶速爲籌備俾得剋日啟程惟該夷情形極爲猖獗聶
拉木一路旣須進兵宗喀等處復須分投防剿恐赫特賀照顧難
周滿慶較爲熟悉西藏情形如前藏事務尙有妥員可以派令代
折代行不至貽誤著滿慶卽將調往兵丁親自統帶前赴後藏與

赫特賀會商一切妥爲籌辦赫特賀所請調四川土司兵丁見已
諭令樂斌等商酌如該土兵果能得力卽派員帶領一面奏聞一
面候調至四川兵勇見因湖北貴州兩省紛紛調撥酉陽秀山偏
近賊氛應籌防堵越嶲苗匪復行滋事亟須勦辦勢不能再行分
撥赴藏該大臣等惟當就見有之兵分撥布置以資防勦見當中
原賊匪未平兵餉兩缺此次藏屬用兵誠出於萬不得已而控馭
外夷之道總宜恩威並濟勦撫兼施前樂斌等所奏六條內如責
成喇嘛設法開導及將生擒夷人羈縻爲質等語頗中窾要此時
雖業已用兵是否尙有善策使該夷悔悟罷兵之處著赫特賀滿
慶悉心籌議如有所見卽行馳奏噶布倫策墊貪功妄舉咎無可
辭著卽革職仍責令帶兵自贖以觀後效將此諭令知之○諭本
日據常清等奏審擬潛入卡倫賊犯玉散霍卓依善等罪名已諭

該部速議具奏矣復據片奏浩罕伯克胡達雅爾轉求將該犯釋回該大臣擬仍暫行拘禁畱以爲質令將滋擾卡倫之倭里罕霍卓等檢送前來再行釋放等語倭里罕霍卓並鐵完庫里二名見尙倖逃法網至玉散霍卓依善雖心懷反側究係聽從煽惑既據浩罕伯克懇求釋放自應相機辦理以資控制而示羈縻著照該大臣等所奏如果胡達雅爾將倭里罕霍卓等送出明正其罪即可從寬將玉散霍卓依善奏明釋放儻若故違別滋事端卽將該犯就地正法以示懲儆將此諭令知之○曾國藩奏查十一月初五日賊眾由九江東北兩門繞城行至八里坡高嶺地方分爲六股排列嶺之東西西門亦出賊約三四百名由楓樹灣前來復有賊由南門湖內用船登岸撲我軍西面官兵分投迎擊賊在八里坡前行走經參將阿達春之勇由左繞至斃賊十數名都司滕

國獻帶兵衝殺嶺東中路畢金科之勇由嶺東右路衝入各斃賊數十名嶺東賊股齊退入東門林內抗拒我軍見城上槍礮如雨不能近偪周鳳山遂令阿達春等分往湖邊鈔賊後路賊奔至北門江邊欲乘船而逸滕國獻乘勢追偪賊上船不及溺斃者數十人時都司李新華等帶勇在嶺西各敵一股殺賊數十名其西門賊一股經守備岳炳榮等左右夾擊各有斬獲南門湖內之賊駛進甘棠湖等處總兵居隆阿用礮轟沈大船一隻小划二隻擊斃淹斃之賊十餘名賊敗駛出湖外初六日下游援賊千餘人添集鍾山分五股來犯直抵蘇官渡北岸同知李元度遣守備羊瀛等三面兜剿追過五里橋突起伏賊二百餘人逆首黃汝金騎馬衝陣經蔣文煥等指認遂令各哨圍擊直取賊渠該逆狂竄追至三家市逆眾回匿下鍾山我軍登大小嶺各據山椒揮勇焚其卡房

望樓七所直偏下鐘山石牆之下逆首黃汶金復率眾來追彭斯舉等分路衝截往復十餘次輒有斬馘日暮收隊至三家市忽逆黨千餘人傾巢尾追李元度催兵返關彭斯舉等望見黃汶金率擡槍指擊該逆被轟落馬賊眾拖曳我軍乘勢回攻立斬二百餘賊逆黨奔潰不復成軍各營仍追至三家市至水師駐紮青山九月二十七日賊船五十餘號竄至姑塘我軍列陣禦之該逆佯向來路退敗我軍乘勢進攻賊復分船開向西岸檣礮連施時青山陸營亦已出隊至姑塘見匪船近岸用擡槍火箭轟射賊不敢近我船一齊駛進猛攻賊敗竄近鞵山十月二十八日我師前右兩營循西岸新中嚮導西營循東岸均近鞵山中流灣泊該逆瞥見我軍哨船兩岸出隊我哨船且戰且走至鞵山賊見各船陣勢嚴整槍礮猝發卽行敗走右前兩營由西岸追及湖口賊忽回船拒

戰右營長龍船一隻因灘乾闊淺被賊圍奪退至鞞山東岸二營近前接戰萬礮齊施賊始振舵回奔我軍又復尾追數里此次陸軍迎剿逆首受傷水師亦獲勝兩次稍據積憤臣惟有伺隙而動以期力破賊壘報聞○追于湖北陣亡都司葛以敦附祀其父總兵官雲飛專祠○壬寅諭軍機大臣等前因黔省需餉孔亟諭令葉名琛等籌備銀二十萬兩黃宗漢籌備銀十萬兩解黔接濟茲據蔣霽遠奏廣東解黔繞道需時迫不及待請將廣東解黔之銀解赴湖北而以四川應解楚餉改解貴州轉移之間取其便捷惟四川應解楚餉並無二十萬之多又本有應撥貴州之十萬兩若議再加恐州省力難支應見在黔省需餉緊急著葉名琛黃宗漢等仍遵前旨於廣東撥銀二十萬兩四川撥銀十萬兩陸續解赴貴州俾得源源接濟其廣東至貴州有應行繞道之處並著妥爲

護送毋致遲延將此由六百里各諭令知之○癸卯諭內閣勞崇光奏勦辦東安全州等處竄匪殲除賊首收復興安縣城一摺湖南東安縣及廣西全州等處匪徒各路滋擾乘虛闖入興安縣城經勞崇光募勇檄團與湖南副將周雲耀等兵勇會合進剿疊有斬擒勇目李萬興隨帶楚勇涸入賊巢猝將全州首逆趙雄割取首級復砍斃偽軍師蕭姓等潰圍而出賊眾驚擾自相戕殺各路兵勇復繞城環擊當卽收復縣城餘匪由灌陽縣竄往湖南永明縣境勞崇光見派各督勇練分途前往與湖南兵勇合力勦辦著卽督飭各帶兵勇員弁奮力兜剿殲除淨盡毋畱餘孽此次出力員弁兵團人等准其擇尤保奏○諭軍機大臣等勞崇光奏兵丁藉詞缺餉拒捕戕官勾匪攻城一摺廣西兵餉支絀未能按期給發自屬實情右江鎮標兵丁李瀾祥等膽敢倡首滋事雖李瀾祥

旋即伏誅而已革額外外委李見光句結土匪攻撲城池經官軍
擊敗仍踞村莊不散藐法已極儻各營紛紛效尤尙復成何事體
著勞崇光卽飭署總兵奚應龍迅速掩捕務將該匪悉數殲除毋
令漏網一面剴切曉諭解散脅從並將守法兵丁妥爲安撫至該
省餉匱兵饑朕所深悉惟此時部撥及指撥各款未能隨時應付
該撫先當設法騰挪移緩就急以資接濟而安兵心毋使再生事
端將此由五百里諭令知之○諭文安奏黔匪攻撲鎮筵鎮城見
在堵剿情形一摺據稱貴州銅仁逆匪徐廷杰等裹脅匪徒攻撲
鎮城又有另股分竄黔屬思南石阡思州三府先後失守據該省
晃州沅州甚近該鎮會商護辰沅道翟誥派撥兵勇分投堵剿復
調派官兵赴晃州沅州一帶防守惟庫款支絀軍餉不繼請飭鄰
省撥銀數萬赴楚等語銅仁逆匪攻撲鎮筵雖經文安督兵堵剿

疊次獲勝而逆匪近偪晃州等處設有疏虞關係匪細所請飭撥軍餉已令戶部速議具奏矣惟該處兵勇需餉孔亟著駱秉章先行籌撥銀兩趕緊解交辰沅道以備支放並嚴飭該處文武各員實力防剿毋令黔匪肆行竄入並隨時酌量緩急添調兵勇以資防守毋稍疏懈將此由五百里諭令知之○以廣西全州潯州等處防剿出力准已革按察使張敬修畱營效力于潯州殉難知府劉體舒等祭葬世職○甲辰諭軍機大臣等陸元烜奏查明臨江府被擾情形並催兵勇分路進剿一摺所稱防堵撫州建昌兩處要隘及派遮克敦布赴樟樹鎮協剿各情布置均屬周妥惟周汝筠一軍自吉安兜剿而下遲速尙未可定聞該員所帶練勇多已遣散尙須重募恐未能卽到臨江臬司周玉衡著俟吉安布置妥協責令該地方文武剋期剿洗該臬司卽同臨江會督各軍奮力

進剿國藩派往瑞州兵勇四千餘人加以周玉衡先派之勇一千一百餘名爲數尙不甚少乘此逆匪初到守禦未堅奮力攻擊先挫兇鋒則克復城池較易爲力石逆賊黨雖多一經羅澤南痛剿卽連次挫敗可見兵力不在多寡全在統領得人著曾國藩激勵在事文武奮勉圖功殄此巨寇至九江一路陸元烺已咨商曾國藩酌撥一軍協同居隆阿扼要守禦究竟該侍郎軍營陸勇除周鳳山所帶外尙有若干能否足資堵截儻稍有疏懈不特江西內地堪虞並礙長江大局該侍郎等不可顧此失彼另片奏請責成惲光宸李桓辦理省城防守等語文俊見未到任惲光宸旣無應辦公事卽著准其辦理巡緝事宜俟文俊到後再行歸案查訊其守城兵勇卽著署道李桓總理鈐束以專責成將此由六百里加緊各諭令知之○添設山西撫標左右兩營千總各一員把總

各一員外委各四員額外外委各四員兵一千名○撥淮安關稅銀一萬六千兩賑給江蘇豐沛邳三州縣並徐州衛被水災民口糧○乙巳諭軍機大臣等前因湖南鎮筵鎮總兵文安請於閩海關徵存夷稅項下撥給軍餉並籌撥廣西軍餉等語貴州銅仁府匪徒分股竄撲湖南經文安派兵堵剿需餉甚急廣西賊匪未平餉需久缺均應速籌接濟著有鳳王懿德於閩海關徵存夷稅項下撥銀十萬兩委員解往廣東並著葉名琛柏貴於該省無論何款項下先籌銀十萬兩卽派妥員解往湖南銀五萬兩廣西銀五萬兩迅速啟程並設法繞道行走毋許遲延統俟閩海關銀兩解到時歸款鎮筵鎮情形緊急駱秉章於此項餉銀解到後務卽派員接解交該總兵應用仍遵前旨設法源源接濟並著駱秉章勞崇光派員分投迎提藉供支放將此由六百里各諭令知之○命

文慶爲大學士以柏葰爲戶部尙書

由熱河都統遷

○命葉名琛爲大學

士仍畱兩廣總督任○以直隸總督桂良工部尙書彭蘊章俱協

辦大學士桂良仍畱直隸總督任○丙午諭內閣前據侍郎王茂

蔭奏前任安徽歙縣知縣劉毓敏攜帶捐冊逃歸山東原籍練首

潘炳照等乘亂攫取庫款勾結已故徽州府知府達秀門丁李作

塘狼狽爲奸並學政沈祖懋信任潘炳照等縱容練勇冒濫縱恣

甚至抽扣茶釐拜認門生各情當降旨交何桂清福濟嚴密查辦

茲據何桂清奏稱查明徽州府捐輸各款俱有文冊可稽府庫被

劫之銀係書院經費及贓罰銀兩爲數無多廩生潘炳照奉札赴

庫提銀委非乘亂攫取該學政暫管茶釐並未沾染亦無執贄拜

認門生情事等語徽州府軍需防費一切錢糧公項捐輸著該撫

嚴飭地方官督率紳董覈實造冊報銷如查有侵漁等弊卽從嚴

參辦前任歙縣知縣劉毓敏攜帶捐冊逃回山東原籍實屬膽玩
著先行革職並著山東巡撫派員解赴安徽交福濟飭屬確查該
員如有侵吞情弊嚴行參辦已革廩生潘炳照著查拏務獲歸案
審訊教諭江新祖舉人徐廷鑑浮支捐款均著先行斥革以示懲
儆○諭軍機大臣等蔣霽遠奏下游各匪日熾請飭川楚兩省帶
餉會剿一摺貴州下游齎匪與夷苗各匪勢日鴟張兵力不敷分
派川楚地界毗連自應以剿爲防庶賊匪不至蔓延爲患見在蔣
玉龍傳岷剿辦黔邊竄匪如已得有頭緒著黃宗漢飭令該副將
等相機進剿與黔省官兵協力夾擊毋得區分畛域專顧本境並
飭提督蔣福扼守川省門戶以爲蔣玉龍等後路聲援至窺伺楚
境之賊雖經文安擊敗惟該總兵探有思南石阡思州三府先後
失守之信晃州沅州相距切近是否可令文安督兵由楚入黔藉

資堵剿並著賂乘章妥籌調派其思南等三府是否已被賊擾此次蔣將遠奏報未據提及該撫身任封圻令各匪日肆猖獗咎已難辭豈能專恃客兵但以辦理竭蹶等詞入奏著蔣將遠飭各屬文武就見有兵力迅圖撲滅至廣東籌備銀二十萬兩四川籌備銀十萬兩前已諭令該督撫等迅速撥解諒已遵照辦理其山東未解銀八萬兩已諭戶部卽行改撥矣將此由六百里各諭令知之○予貴州陣亡知縣吳瑞生等祭葬世職○免琉球遭風夷船進口貨稅○丁未諭內閣禮部奏查議湖北巡撫胡林翼奏請生監准充牙行一摺生監人等例不准開設牙埠胡林翼所奏自因接濟軍需起見惟生監旣充牙行若仍准其應試漫無限制與例不符著照部議所有捐充牙行之生監均不准復行考試如有情願報考者先將牙帖呈明地方官註銷咨部查覈俟軍務告竣生

監仍不准續行捐充以符定制○諭怡良吉爾杭阿奏皖豫捻匪滋擾請飭革員袁甲三辦理徐州防務一摺江南徐州一帶見有署總兵傅振邦等帶兵防剿至已革左副都御史袁甲三被參各款雖據怡良查明尙無賊私劣蹟惟該革員前在臨淮防堵辦理不善致招物議若再派赴徐州亦恐未能得力所請著不准行○諭前據和春福濟奏參已革副都御史袁甲三擅截餉銀冒銷肥己並有油箋藏銀寄回原籍等情當交和春福濟查明具奏嗣經袁甲三在都察院呈訴被參冤抑並控和春等將參摺捏改他人各情復降旨交怡良秉公查辦茲據該督奏稱查明袁甲三前駐臨淮所發勇糧照各路軍營奏定章程支給其節省之項亦充公撥用並無冒銷肥己亦無油箋藏銀寄回原籍之事所參強勒捐輸民間怨恨亦查無確據等語此案業經和春等查明覆奏復據

怡良派員逐款確覈實無贓私劣蹟袁甲三業經革職著毋庸議
候選同知李安中委銷鹽斤雖訊無強派勒售之事惟奉行不善
致五河紳民嘖有煩言著先行交部議處委員朱維屏楊春華陳
鵬等暫行革職之處著福濟督同藩司將各項捐冊覈明具奏袁
甲三所控和春福濟捏改參摺等款仍著怡良秉公確查再行具
奏尋奏和春參奏袁甲三之後經福濟札委多慧密查並無捏改
參摺人名情事報聞○官文奏本月初二日臣督飭李孟羣孔廣
順顏朝斌等分兩路進攻武漢李保邦陳德新由西門橋攻入李
光榮由武顯廟攻入訥欽督李玉田自漢口過河夾攻王國才自
沌口赴西門橋會攻綿洵督巴揚阿帶馬隊在後接應都興阿督
馬隊在漢口堵截過河敗賊各路兵勇齊進賊之遠卡前已燬盡
附近西城尙有土壘接連圍護城身環列槍礮復於龜山城上密

安大礮更房望樓層出壘上濠溝蜿蜒外通大江內連小湖竹籤木椿如麻我軍連撲五次俱爲槍礮所阻李孟羣身先衝入親兵被賊礮傷十餘人西南角又撲出賊旗二面登時賊營黃旗皆動全股外撲遊擊何越珽等各斃賊多名賊鑿戰不退顏朝斌趕催礮隊迎擊賊眾始敗退入營我兵乘勢掩殺燬賊頭卡一座初三日李孟羣仍督隊攻城都興阿督馬隊會同黃陂鄉勇以投誠僞將軍陳元恩導引往沙口下攻勦礮船出江會攻賊修木壘未竟被我兵射倒百餘名羣賊急奔上船各船已被礮船擊沈趕散上下無路全行追殺溺斃初四日各營復攻漢陽賊於西門橋民房內豫伏二千餘人王國才督軍行至三里坡前隊迎戰未久賊卽敗退兵勇追入伏賊齊出王國才急用連環槍礮轟擊賊始披靡李孟羣督隊由武顯廟進攻何越珽率廣勇從五里墩深入賊將

廣勇圍住營總平海書保施放槍箭將賊擊敗餘賊被兵勇大隊衝來俱跌入湖內兵勇繞湖殲之一時俱盡初六七八等日用火彈拋焚其濠內木椿並用劈山大礮轟傷站牆之賊其牆上更房亦經焚燬楊載福於初二三等日督水師在鮎魚套一帶鏖戰燒燬賊礮船百餘號賊所贖新礮船三四十隻堅守不肯起碇囚其大船各有千斤大礮未能近身焚燬連日胡林翼極力攻城賊亦堅守不出然圍困至嚴不慮不克聞曾國藩往勦江西省城之賊已全撤九江之兵大江賊路復通恐指日有上援股匪深爲可虞見在催調大礮並掘地道盡力圖謀冀可剋日收復候選知州李保邦候選知縣李光榮都司陳德新前因輕進摘去頂帶見在連日攻城甚屬出力伏懇賞還頂帶以示鼓勵又奏本月初五日楊載福又親率上游水師四隊往攻南岸背賊船遊擊李成謀率下

游六營上攻先令小船往來誘敵賊出鳥船七八號拖罟數號拒戰李成謀當先衝入賊隊哨官張啟基李濟清率勇繼之賊始敗退因以大礮擊沈其船十餘隻次日仍率營往攻賊負固不出我軍拌死攻入燒其護船十餘號生擒長髮賊五十七名連日共燒賊礮船二百五十餘隻所有陣亡外委劉魁和等應請旨從優議卹上諭官文等督率諸軍進攻武漢賊匪連日兵勇尙屬用命著卽乘機鼓舞務將兩城力圖克復迅掃逆氛候選知州李保邦候選知縣李光榮都司陳德新城出力均著賞還頂帶陣亡外委劉魁和曹勝發把總賴洪興談金榜均著交部從優議卹○官文奏擒匪李兆受占踞英山經知縣彭惠疇飛移霍山縣知縣鄧元鎬等分帶勁勇約期會剿十一月初九日探知該逆句通髮匪聚有五六千人剋日欲攻羅田彭惠疇卽商同外委徐兆達會齊

紳團於初十日乘霧往攻何桂珍營中委員周來豫帶勇三百名
會同羅田團勇三千名先行將至英山東門該逆整隊來拒徐兆
達等一齊趕到斃匪一千餘名殘黨敗奔蘄水又被大畈河伏兵
截殺四百餘名該逆僅賸二百餘人翻山逃竄當收隊入城安民
按捕餘匪並畱知縣劉兆彭許垣暫住該縣彈壓撤勇嗣據羅田
哨探李兆受竄入蘄水境內經許廣藻派勇跟剿該逆四處竄逃
歷有定蹤許廣藻見在購綫躡捕總期獲此巨兇所有越境攻克
英山縣城之官紳士勇一力同心剋期竣事容臣查明請獎上
諭此次羅田各勇越境攻克英山縣城在事出力之官紳士勇均
屬著有微勞著官文擇其尤爲出力者據實保奏逆首李兆受仍
著嚴拏務獲盡法懲治○戊申諭軍機大臣等戶部奏遵籌貴州
兵餉等語貴州苗匪滋擾需餉緊迫所有部撥江西省餉銀一時

未能解往自應亟爲改撥著有鳳王懿德於閩海關徵存夷稅項下撥銀十萬兩剋日解交廣東省城卽著葉名琛柏貴派委委員迅速解交貴州勿稍遲誤以應急需至江西省節年欠解貴州兵餉至一百餘萬兩內甲寅年夏秋冬並乙卯年春餉原撥江西三四兩年地丁銀五十五萬兩係該省常年協解之款未容藉詞推諉仍著陸元煥趕緊催徵陸續起解其乙卯年夏秋冬餉原撥江西四五兩年地丁銀二十七萬兩除原改撥銀十萬兩外尙有未解銀十七萬餘兩及丙辰年春餉原撥江西五年地丁銀三十萬兩並著陸元煥俟該省軍務辦有頭緒卽行設法解黔以資接濟將此由五百里各諭令知之○河南巡撫英桂奏據武隆額函稱十二月初九日捻匪自泥臺竄會亭初十日撲夏邑大營經史榮椿等整隊前往夏邑東南渾河集胡橋一帶小有斬擒十三日該

匪四五萬人竄偃宋郡危迫萬分請添兵籌餉迅速應援等情查該逆張落刑裹脅夥黨數萬非添調兵勇痛加剿洗難期歲事惟省城存兵僅有七百餘名已屬難於抽撥況歸德離省不過二百餘里險阻毫無長驅可到省垣惟全豫根本尤應統籌戒備見在南路情形稍鬆咨照邱聯恩於防守三關兵勇內抽撥山東都司保英所帶官兵五百名兼程赴省知照崇安統領官兵五百名由西路馳回並令該鎮於左右兩營內再調官兵五百名派委得力員弁管帶剋日渡河一併赴省聽候調遣一面札飭前滑縣知縣張廷璽募勇一千名親自管帶進省檄行查辦聯莊會匪之候補道周士鏜如南路查辦完竣卽令遊擊王鳳祥帶兵折回以資防剿至武隆額所帶豫省兵勇不滿四千除交余炳燾等分帶駐防永城等處外隨營更屬無多興慶容照等所帶之兵自麻種接仗

失利後已回守江境朱連泰等所帶之兵自亳州解圍後仍紮守
州城是名爲三省會剿而見與數萬捻眾相持者實止豫兵三四
千名至飭調鄭魁士所帶之官兵一千五百名臣近准和春等來
咨至今尙未調撥安徽攻剿粵逆固屬緊要而捻匪志在北趨若
專顧南面任其蔓延則歸德密邇山東曹州一帶素爲捻匪出沒
之區黃河下游斷流萬一互相勾結復煽誘東省被水窮黎乘勢
蠢動後患詎堪設想應請飭下和春福濟仍令鄭魁士帶兵就近
應援再添派精兵數千會同攻擊並請飭催興慶容照朱連泰等
迅速合力追剿以期悉數殲除 上諭前據官文奏克復德安後
西陵阿所帶馬隊尙有一千名駐守該郡本日據英桂奏亳州捻
匪竄歸德武隆額駐守郡城兵力單薄歸德離省僅二百餘里
省垣存兵不過七百餘名亟須添調兵勇等語湖北濱江之地港

汭居多馬隊未能施展豫省尙多平原堪資利用見在該大臣等會攻武漢此項馬隊止在德安防守如可移緩就急撥往河南著官文仍派西凌阿管帶馳往聽候英桂調派儘尙須後路策應不能全數調往卽著酌撥數百名派員管解迅速赴豫俾資防剿毋稍稽延將此由六百里諭令知之○論英桂奏擒匪逼近歸德請飭催兵援剿一摺擒匪由夏邑竄徧歸德至有四五萬人之多必得厚集兵力方足以資攻剿武隆額駐守府城隨營兵勇不滿四千除分防永城外更屬無多與慶容照所帶之兵輒因接仗失利退回江境朱連泰等所帶之兵又於亳州解圍後株守州城敗旣不前勝亦不進任令該匪恣意焚掠殊爲可恨武隆額旣奉旨督剿擒匪三省兵勇悉歸調度何以自上月十八日在永城發報後並不將情形續奏著卽嚴催與慶容照等由徐州進兵虞城等處

朱連泰等迅由亳州帶兵前至歸德合力會剿如敢藉詞逗留抗不遵調卽著武隆額據實嚴參候旨懲辦至安徽所撥鄭魁士帶兵一千五百名前據和春等以該署鎮見在派剿三河未便更易當經批令酌量情形另委大員統帶前往旋據奏稱已派參將塔思哈帶兵剿辦英山官兵一千二百名馳赴宿州至今並未見到此時歸德情形喫緊豈可以此等紆遠之兵虛應故事著和春福濟仍將原派兵勇一千五百名另委大員統帶派往豫省交武隆額調遣不得再有推諉至朱連泰等何以久駐亳州和春等先派之潁州徐州中正勇等二千名何以未見武隆額調到並著和春等嚴行查催不准延宕其保英崇安等所帶官兵旣經英桂調集省城自應飭赴歸德等處援剿不應在省株守本日復諭知官文於畱駐德安馬隊中酌撥一千或數百名赴豫交英桂調遣此項

官兵到後加以該撫見調兵勇爲數不少著卽斟酌情形飭令管帶之員歸併武隆額軍營相機會勦此等烏合之眾但能力挫兇鋒餘黨自然解散不可專事防守也至各路需用糧餉著英桂妥爲籌備源源接濟毋使缺乏將此由六百里各諭令知之○命賈楨爲武英殿大學士文慶爲文淵閣大學士葉名琛爲體仁閣大學士○己酉諭內閣何桂清奏道員私心自逞嚴參請旨一摺新設安徽徽甯池太廣道原准專摺奏事惟見在辦理軍務自應聽候欽差大臣及江浙督撫調度該道石景芬簡任是缺適在徽甯克復之後地方防堵善後事宜業經何桂清奏請交該員專辦其蕪湖軍營仍歸向榮調派之鄧紹良江長貴等辦理乃該員連次具奏總以統籌全局爲詞自請赴勦且據何桂清查明該員所招潰散台勇有沿途滋擾情事而該員仍在甯國招募無賴游民旣

耗錢糧又恐滋事至所調釣船爲數無多亦與軍營無益顯係私心自逞有意邀功石景芬著卽革職所有徽甯池太廣道員缺著怡良何桂清於江浙兩省道府內會同酌保一二員奏請簡放先行派員署理以專責成○庚戌諭軍機大臣等王履謙奏皖毫擒匪回竄豫境嚴飭沿河文武加意防範一摺擒首張落刑等眾攻撲永城夏邑竄踞會亭驛圍攻歸德雖據武隆額奏稱歸德城圍已解惟賊匪竄往何處尙未探有蹤迹見令趕緊追剿該處界連東省見值蘭陽決口之後饑民徧野尤慮勾結所有沿河地方著王履謙李鈞嚴飭防守各員認真稽查收集船隻不可稍有鬆懈武隆額督剿擒匪兵力尙單所有直隸固關鎮參將珠隆阿管帶大名鎮官兵五百名見駐蘭儀北岸著該河督飭令前往歸德一帶交武隆額調遣並著崇恩督飭曹州等屬文武各員於緊要隘

口嚴密防守務將被災饑民妥爲鎮撫毋令勾結爲患將此由六百里各諭令知之○諭本日據武隆額奏賊匪大股圍攻歸德雖經該提督乘夜縋兵出城剿擊匪眾逃散其竄往何處尙未奏明著和春福濟卽將原派之兵勇一千五百名仍飭鄭魁士管帶馳赴歸德或另派大員統帶前往以資協剿其托明阿前派容照所帶之兵業已接仗失利退回江境著托明阿嚴催赴援至揚州軍營馬隊尙多著托明阿調撥吉林馬隊一千名迅卽赴豫如不能多撥卽挑選數百名派往亦可其帶兵大員務須選派得力可靠之人至和春等前派都司戴世熙所帶兗州兵二百餘名中正勇四百餘名並守備龔耀倫所帶徐州兵五百名遊擊武全帶潁州兵五百名均未到武隆額軍營是否該員等畏縮不前並著和春等嚴行查催不准再有遲延將此由六百里各諭令知之○辛亥

諭軍機大臣等陸元烺奏江西賊勢蔓延請飭羅澤南回軍兜剿一摺據稱賊踞瑞州臨江二府復分黨與一由新淦撲樟樹鎮一由峽江上竄吉水而湖南鄱縣之賊擾及永甯縣茶陵湖口墟之賊擾及蓮花廳又合爲一股竄至廬陵之永陽地方兵力不敷請飭羅澤南剋日折回江省會同周鳳山剿除瑞臨巨寇再行進攻武漢等語羅澤南由崇通赴援武漢見在帶兵進紮洪山勦辦正在得手若遽令折回江西恐功敗垂成墮賊牽綴之計惟瑞臨兩郡失守而賊蹤又擾吉安周鳳山一軍兵力實形單薄著官文胡林翼迅攻武漢早圖克復以便羅澤南回援江西不至久延有誤大局陸元烺仍嚴飭周鳳山等就見有兵勇實力防剿不可專待羅澤南之軍致有貽誤將此由六百里各諭令知之○諭何桂清奏江西廣饒兩郡宜扼要嚴防請飭羅澤南統帶兵勇馳赴江省

剿辦等語見在羅澤南剿辦武漢賊匪正在得手若遽令折回江西深恐功敗垂成且江西賊勢蔓延臨江瑞州尚未收復吉安見又被圍羅澤南即能馳回江省亦須先赴臨江等處剿除大股賊匪斷不能徑赴饒廣一帶爲浙省防堵著何桂清即飭張芾督飭地方文武員弁嚴防徽屬婺源一路其衢州防堵准其咨調蕪湖彪勇星馳赴浙以資捍衛至湖南臬司周起濱因道途梗阻見在衢州著何桂清即飭該員與在事文武籌辦防堵事宜俟探明繞道處所即飭迅赴湖南本任毋許逗畱將此由五百里諭令知之○浙江巡撫何桂清奏請飭袁甲三協剿蒙毫捻匪得旨該革員前在臨淮辦理不善近據怡良等奏請已有旨不准行○予廣西陣亡知縣謝效莊祭葬世職○壬子諭內閣英桂奏湖北遣散義勇沿途滋事審明懲辦等語所有滋事遺勇及不能彈壓各弁業

經該撫嚴行懲辦此等遺勇同籍之時自應先繳器械分起行走方不至漫無約束乃此次遺勇竟至數百成羣私帶軍器沿途滋擾該營又無冊籍豫行知照經過地方何從稽查防範著官文暨各路統兵大臣嗣後遇有遣散義勇先將姓名年籍造冊飛咨經過省分並原籍督撫豫飭各地方官妥爲彈壓護送安插並於離營時飭令呈繳器械沿途分起進行儻有攜帶軍器不遵約束私自結隊橫行者卽著嚴拏懲辦地方居民遇有各路義勇過境擾害者格殺勿論以杜亂萌將此通諭知之○諭軍機大臣等前因黔省需餉孔亟節經諭令葉名琛柏貴籌銀二十萬兩黃宗漢籌銀十萬兩迅解黔省並將江西省應解黔餉改撥閩海關銀十萬兩由廣東解往該省矣本日據恆春奏黔省下游賊勢猖獗擬親自督帶兵練赴黔剿辦兵行必先籌餉雖率屬勸捐而邊地瘠苦

斷難敷用請飭就近設法籌撥銀數十萬兩等語黔省餉需本係
 缺乏見經該督添帶兵練前往待餉尤殷著葉名琛柏貴將前諭
 籌撥之二十萬兩黃宗漢將前諭籌撥之十萬兩迅速派員陸續
 解赴黔省俾恆春到時得以應手不至停兵待餉並著一面啟程
 一面咨會恆春俾得迅速前進免致守候其閩海關改撥之銀十
 萬兩並著葉名琛等俟撥到後派員迅解黔省以資接濟將此由
 六百里各諭令知之○諭恆春奏黔匪猖獗擬親往督辦並請籌
 撥餉需一摺貴州上下游苗匪滋事疊陷廳汛銅仁府教匪徐廷
 杰等復戕官踞城分竄松桃等處匪勢鴟張全省震動疊據蔣蔚
 遠奏報剿辦情形實屬未能得手該教匪等甘心叛逆肆行煽惑
 亟應將爲首匪犯卽日殲擒以免延蔓至剿辦苗匪自應剿撫兼
 施亦須痛加懲創使知震懾兵威方能安心就撫既據恆春奏滇

省回匪漸已解散地方均尙安靜卽著將所調滇兵一千名並所募勁練剋日調齊親自統帶起程前赴貴州督飭各路官兵分投剿辦將此由六百里諭令知之○河南巡撫英桂奏十二月初十日擒匪竄陷夏邑經臬司余炳燾等帶兵收復報聞○癸丑諭軍機大臣等據武隆額奏稱擒匪於十三日圍攻歸德府城經該提督極力守禦並縋兵下擊至十八日解圍該匪等分投竄逸見在兵力過單請添撥兵勇以便追剿等語擒匪竄擾皖豫日肆鳴張見已諭令英桂剋日出省督兵剿辦惟匪蹤飄忽恐致四出蔓延亟須馬隊官兵藉資雕剿西凌阿所帶馬隊除遣撤歸伍外見存若干名著官文飭令全數星馳赴豫交英桂調遣並著托明阿遵照前旨挑選吉林馬隊一千名遴派得力將弁管帶前赴英桂軍營儘實不敷調撥卽數百名亦可所有軍裝器械口糧並著托明

阿官文速爲豫備俾該官兵得以卽日啟程不至遲誤將此由六百里加緊各諭令知之○諭前據武隆額奏報歸德解圍情形未將賊竄何處偵探明確方謂數日必有續報乃本日該提督奏報軍情但稱賊眾兵寡請調京營馬隊並未確探賊蹤實屬漫無布置已明降諭旨將三省會剿事宜專交英桂督辦矣該撫前調河北南陽等處兵勇計已陸續到省卽行統帶馳往並將武隆額所帶之兵併歸該撫調度探明賊蹤所在一面馳奏一面撥兵追剿毋令肆擾容照所帶馬隊五百名見在徐宿一帶逗畱卽著飛速調來先資攻剿惟容照統帶不能得力著該撫於就近軍營中察看何人勇敢卽行派令管帶飭令容照仍回揚州軍營聽候差委其安徽江蘇兩省兵勇旣歸該撫節制亦著飛飭嚴提及早會合前諭武隆額遇有逗畱抗違之員卽行嚴參而本日奏報尙稱急

切不能萃集直似呼應不靈該撫務當從嚴調催勿任耽延如有疲玩不遵卽行據實參辦至省城應籌防守事宜卽著責成瑛榮督同在城文武妥爲籌備毋稍疏懈見在匪勢猖獗該撫萬不可株待調兵致形遲滯武隆額所請酌保歸德守城官紳並著英桂於到營後確切查明據實保奏將此由六百里加緊諭令知之○命河南巡撫英桂督辦三省剿匪事宜○命前任福建按察使徐宗幹馳往河南幫辦剿匪事宜○予湖北陣亡副將舒寬等祭葬世職○官文奏德安克復以後漢川蔡店以次肅清大兵將賊逼入漢陽城中李孟羣顏朝斌等從三眼橋直逼城下臣大營紮於蔡店後路新溝一路有王馬二垵水勇划船湏口有遊擊瞿萬林等帶鄖竹之兵藉護糧餉漢陽之上下沙口漢口有都興阿馬隊黃孝練勇暨訥欽等兵勇漢陽之右沌口有王國才兵勇大江上

下游有楊載福礮船堵剿均可堵截中路漢陽城中之賊已無路可奔荊州遠居數百里外似可無虞計惟以剿代防早滅漢陽之賊則全省俱免戒心而荊州駐防之兵經臣連年訓練尙稱得力再將臣已起之團加意勤練不但保衛地方綽有餘裕且可助進剿一臂之力其撥四川兵紮金口石嘴以防胡林翼後路原防義甯九江回竄之賊與漢陽後路情形不同臣當知照載增等嚴密防範稽查沙市遣勇逃匪以免疏虞報聞○甲寅諭內閣惠親王等奏揀員請補監督大使各缺等語鐵錢局設鑪鼓鑄前據惠親王等奏定章程經戶部覈議奏准辦理所有在局各員自應慎加揀選以重職守鐵錢局滿洲監督二缺卽著戶部照例咨取合例人員帶領引見候旨簡放大使二十缺著照所請充補該監督大使分別二年三年期滿之處均照所議辦理○和春等奏報進攻

五河舒城獲勝並添勇赴巢縣剿賊情形得旨五河舒巢各處均屬小勝若不趕緊催剿終虞日久詭生別滋蔓延汝等久駐廬城亦應速定進取庶期漸次就緒○乙卯諭內閣前因蘭陽漫口泛溢三省朕念小民蕩析離居急宜設法保衛又因軍務未竣籌餉浩繁一時驟難堵築疊經諭令桂良英桂崇恩各派幹員查勘並令李鈞派張亮基前往周歷繪圖貼說奏明辦理昨據李鈞奏經張亮基查明東省被水州縣及黃流穿運入海情形請飭地方官勸民築堰切灘堵截支河本日復據崇恩奏陳河患情形朕詳覽該河督等所稱漫溢處所被災較廣實深憫惻因念見值嚴冬水落歸槽海口雖屬暢消瞬息春融水長各河淤勢益高恐有潰決之患若議改河流由大清河入海雖取徑較捷而關繫民田廬舍亦屬窒礙難行宵旰焦思豈忍令大溜旁趨不籌補救以衛閭閻

此時惟有遇灣切灘使河勢刷寬取直並順河築堰堵截支河爲暫救目前之計據李鈞崇恩奏稱水勢淺緩之處居民皆築堰自衛濬渠分洩著卽妥爲勸辦並著直隸河南山東各督撫飭令地方官吏疏濬積潦剴切曉諭紳民等量力捐貲俟集有成數奏明請旨卽由該河督籌節估計趕籌堵築其張秋迤北運河東西岸應堵缺口及西民堰等處應作裏頭護埽並於黃流倒漾處築壩收束著李鈞卽飭該管廳營估定工需由山東藩庫籌撥銀兩興辦歸於另案報銷其曹州府護城隄應加高培厚著寬籌加賑藉作工需定陶縣常岡廟各口應堵支流並著該督撫等飭令大名曹州二府會同查勘辦理該督撫等務當仰體朕意實力督辦以蘇民困○丙辰諭軍機大臣等本日柏後因補授戶部尙書謝恩摺內有據吏部文稱奉硃批字樣向來硃批諭旨均由軍機處另

繕仍寫內閣奉上諭字樣始行發鈔是日所奉上諭柏葰何以知
係殊筆見經軍機大臣調查吏部行文簿於十九日行文熱河係
寫奉上諭字樣與柏葰所奏不符顯係有人寄信通知柏葰著卽
將通信之人據實指出明白回奏不准稍有掩飾儻稍涉含混別
經查出必將柏葰從重懲處將此諭令知之○河南巡撫英桂奏
據陳州府知府王憲稟十二月十八日亳州捻匪自歸德南竄擾
及柘城地方並探有西竄周家口之說當飭淮太等縣飛調鄉團
在各交界處所扼要防堵並面諭周家口紳商雇募壯勇實力戒
備復飭懷甯縣知縣添募壯勇協守府城又據臬司余炳燾稟捻
匪從宋郡西南繞撲柘城隨飭該縣文武率勇迎剿十八日行至
大胡集遇賊接仗愈來愈多柘城縣知縣王元緒千總南宮寶等
奮勇當先均各受傷新鄉縣知縣祝塏帶勇救援該匪分股從東

北直撲縣城經祝塏率團奮擊始退屯附近縣城之三里堂王元緒添集鄉團在城堵截祝塏復集淮鹿太柘四縣團練分路夾擊該匪從東南竄逸又據歸德府知府王榮第稟十二日張落刑等由夏邑徑撲虞城南關當會同在城文武登陴固守將匪擊退兵勇追至王莊而還十三日逆匪大隊突至該縣兵勇無多未克分投攔截賊遂由西北兩門闌入適千總江維寬帶團勇數千同時並至府城援兵亦到與該縣知縣衝殺入城匪眾出城逃竄立將縣城收復查張落刑等竄陷虞夏等縣圍攻府城雖暫時退竄難保不復回滋擾武隆額軍營兵力過單臣於通省各營內苟可抽撥無不悉數披羅此外尚有防河兵千餘而千里長河巡防亦關緊要未敢輕動不得已咨照河臣李鈞於河標官兵內酌撥三百名派參將雙慶管帶來豫並咨駐防正陽關之侍衛多慧如該處

情形較鬆卽管帶豫省原派壯勇六百名馳往陳州復咨邱聯恩於所屬各營內挑選兵丁五百名派員管帶馳赴宋郡隨同武隆額會剿至保英所帶山東兵五百名見在信陽尙未調到崇安所帶剿辦會匪之遊擊王鳳祥官兵五百名練勇五百名甫經到省捻勢紛竄無定陳郡周家口商賈雲集久爲該匪覬覦尤應撥兵堵遏已飭該遊擊帶兵勇馳赴陳郡擇要嚴防如該處去賊尙遠仍令確探逆蹤相機追剿

臣

一面會同司道籌備各路糧餉源源

接濟

上諭英桂奏捻匪南竄柘城窺伺陳州見催兵勇進剿一

摺該撫接奉前旨諒已料理啟程著卽星速出省迎賊所向督兵剿截其所派馳往歸德之南陽鎮兵及武隆額原帶之兵該撫卽應歸併調撥不可聽其株守無賊之地亦不可以調兵未齊遲遲啟程該撫總以迅速出省調度爲要本日又據王履謙奏武隆額

一味畏葸將永城兵勇調赴夏邑以爲避賊之計復聽信候補道張維翰議派委員至徐州提前獲張落刑之姪送還以致該匪窺破虛寶大股進撲夏邑武隆額卽退走虞城匪至虞城武隆額復退保歸德見在歸德被匪焚掠紳民切齒且擒匪十三日圍城武隆額所帶之兵初十先已潰散等語似此布置乖方節節退守實屬恇怯無能著英桂卽行確查據實參奏毋得稍有徇隱自干咎戾將此由六百里諭令知之○諭崇恩奏勦辦曹屬擒匪及派兵防堵曹河並王履謙英桂奏報擒匪竄擾情形添派兵勇各一摺擒匪張落刑等肆行竄擾已諭令英桂帶兵督辦所調河營兵三百名著李鈞認真挑選精壯交參將雙慶管帶赴豫候調所需軍裝口糧馬乾等項著崇恩卽日豫備俾迅速啟程俟到豫後卽由豫省交應該匪情形猖獗河防極關緊要仍著王履謙李鈞督飭

文武名員加意防範毋許稍涉疏懈至曹屬捻匪見經護總兵郝上庠將首要各犯殲擒而皖豫之匪擾及虞城等處與單縣地方偏近亟應嚴密防堵以免闖入崇恩見飭郝上庠等馳赴曹河並調德州等處官兵前往候調著卽飭該護鎮就見有官兵扼要堵禦並與皖豫兩省兵勇聯絡聲勢相機進剿一面將開緝寬等餘黨密速搜捕毋令勾結致滋蔓延見在河南軍情喫緊恐不能兼顧東省儻郝上庠等所帶之兵不敷堵剿該撫卽就本省官兵內酌量抽調以期得力仍將被水災民妥爲撫輯勿令再致嘯聚將此由五百里諭令知之○丁巳祫祭 太廟○晉封 麗嬪他他拉氏爲 麗妃 婉貴人索綽羅氏爲 婉嬪○予江蘇傷亡參將馬永泰祭葬世職○是月蠲免貴州興義等二府黔西等十一州縣被擾地方上年額賦蠲緩廣西義甯等十三廳州縣及都康

土州被擾村莊新舊額賦直隸開州等五十八州縣被水被雹村莊新舊額賦並各項旗租安州等八州縣積澇地畝新舊額賦江蘇高郵等六十三廳州縣暨蘇州等八衛被水被旱莊屯新舊額賦上元等四十三廳州縣及蘇州等六衛被兵村莊本年額賦浙江海甯等六十二州縣暨杭嚴等三衛鮑郎等三場被水被旱被潮新舊漕糧額賦並除太平等二縣衝壓地畝額賦山西永和縣被水被雹本年額賦河南鄭州等四十州縣被水被旱被雹被兵村莊新舊額賦並賑蘭儀等六縣江南邳州等三州縣暨徐州衛被災貧民口糧○會計天下民穀數除江蘇安徽湖北貴州未經冊報外奉天等省通共大小男婦二萬九千三百七十四萬二千八百八十二名口存倉米穀一千五百二十萬四千五百九十九石三斗三升四合○是歲朝鮮琉球入貢